

河南府志卷之六十

古蹟志六

宮殿二

隋洛陽宮

大業雜記宮城東西五里二百步南北七里正

門曰則天門南去端門五百步則天門兩重觀觀上曰紫

微觀左右連闕闕高二十尺

隋乾陽殿

大業雜記則天門內永泰門東西坐宿衛兵門

內有乾陽門並重樓東西亦軒廊周市門內有乾陽殿殿  
基高九尺從地至鵝尾高一百七十尺又十三間二十九  
架三陛軒文搨鏤檻欞百重梁拱千搆雲楣綉柱華棖

碧檣窮軒甍之壯麗其柱大二十四圍倚井垂蓮仰之者  
眩曜南軒垂以珠絲綱絡十不至地七尺以防飛鳥四面  
周以軒廊坐宿衛兵殿庭左右各有大井井面濶二十尺  
庭東南西南各有重樓一懸鐘一懸鼓刻漏卽在樓下隨  
刻漏則鳴鐘鼓

隋大業殿

大業雜記乾陽大殿北有大業門門內大業殿

規模小於乾陽殿而雕綺過之

隋文成殿

大業雜記乾陽殿東有東上閣閣東又南行有

東華門門東道北有文成門內有文成殿周以軒廊

隋武安殿

大業雜記乾陽殿西有西上閣入內宮閣內又

行有西華門出門西道

疑脫北字

有武安門內有武安殿周

以軒廊

按大業文成武安三殿據記御坐見朝臣則宿衛隨入于其內宮人殿庭並櫛批杷海棠石榴青梧桐及諸名藥奇卉東有大井二口深十餘尺深百餘尺其三殿之內內宮諸殿甚多不能盡知

隋東宮

大業雜記

入章善門橫街東百二十步有重潤門

東有東宮

隋元靖殿

大業雜記

入明福門北行三十步有元靖門內

有元靖殿周以軒廊卽宮內別供經像之處

隋修文殿

大業雜記

出元靖門橫街東行四十步有修文

殿

隋儀鸞殿

大業雜記

寶城內有儀鸞殿殿南有烏梓林栗

林有葡萄架四行行長百餘步架南射堂對闔閨門

通鑑

大業十一年有孔雀二自西苑飛集朝堂校尉高德儒等奏以爲鸞於是百官稱賀詔於其地造儀鸞殿

隋觀象殿

隋書天文志

宋元嘉中所造儀象器開皇九年

平陳後並入長安大業初移于東都觀象殿

隋觀文殿

六典注隋於東都置觀文殿東西廂貯書

隋含涼殿

王世充傳武德二年四月世充矯銅策禪位幽

銅於含涼殿

按上諸殿皆在

洛陽紫微宮內

隋天經宮

詳在下

隋仙都宮

大業雜記建國門西二里有白虎門西二里至

苑城傍城行三里有天經宮南二里有仙都宮並置先帝

廟堂大業四年自京師遷東都造

隋亭子宮

大業雜記

上春門東十二里有亭子宮宮南臨

漕渠東臨積潤池

隋景華宮

大業雜記

建國門西南十二里有景華宮宮內

有含景殿及射堂樓觀

隋含景殿

見上

隋甘泉宮

大業雜記

甘泉宮一名芳潤宮周十餘里宮北

可謂好

卷之六 古蹟志

三

宮殿二

通西苑其內多山阜崇峰曲澗秀麗標奇其中有聞風亭及棲霞觀行雨臺清暑殿殿南有通仙飛橋百尺澗青蓮峯峯上有翠微亭遊賞之美於斯爲最大業元年春遷都未成敕內史舍人封德叡於此置宮

隋清暑殿

見上

隋青城宮

方輿紀要

西苑內青城宮隋齋宮也武德三年

世民攻洛陽軍于北邙世充陳于青城宮世民亦置陳當之武德四年世民移軍青城宮世充自方諸門出憑故馬坊垣塹臨穀水以拒唐兵爲世民所殿方諸門都城西出禁苑之門也

隋明德宮

方輿紀要

明德宮大業初建于禁苑中

隋總仙宮

大業雜記

西苑內造山爲海周十餘里中有方

丈蓬萊瀛洲諸山相去各三百步山出水百餘尺上有總

仙宮風亭月觀皆以磚成或起或滅若有神變

隋曲水殿

大業雜記

西苑曲水池有曲水殿上已禊飲之所

按上自青城宮下  
皆西苑內宮殿

唐洛陽宮

唐書地理志

洛陽宮城名曰紫微城

玉海洛

陽宮太宗幸者六高宗幸者十四武后號太初宮太宗爲秦王時建德世充平置酒大會洛陽宮論郭孝恪之功又

召張儉見洛陽宮論遼西山川險易會要貞觀三年太宗將修洛陽宮戴胄諫上嘉之四年又修張元素諫卽停之六典皇宮南面三門中應天左興教右光政應天內曰乾元門興教內曰會昌章善光政內曰廣運明福乾元左曰萬春右曰千秋其內曰乾元殿殿之左曰春暉門右曰秋景門北曰燭龍門明福之東曰武成門其內曰武成殿明福之西曰崇賢門其內曰集賢殿武成之北曰長壽殿集賢殿之北曰仙居殿東曰億歲殿又東曰同明殿西北出曰洛城西門其內曰德昌殿北曰儀鸞殿南出曰延慶門又南曰韶暉門西南曰洛城南門其內曰洛城殿又

北目欽羽殿 方輿紀要唐武德四年平洛陽隋宮遂廢  
貞觀中復治之永徽以後營繕益密其別殿臺觀在宮內  
者凡三十五所

唐乾元殿 會要武德四年使行臺僕射屈突通焚乾元殿  
以其實太奢顯慶元年敕司農少卿田仁汪修乾元殿麟德  
二年殿成垂拱四年以殿爲明堂開元二十七年於明堂  
造乾元殿毀土層改下層爲殿 褚無量傳開元中詔無  
量等於乾元殿整北四部書 蘇定方傳薛都曼俘獻於

乾陽殿 玉海隋曰乾陽唐曰乾元明堂後改含元  
唐武成殿 賈半千傳高宗御武城殿調兵家有善難何謂

邪衆未能對半千進曰臣聞古者星宿孤虛天陣地山川  
向背地陣也偏伍彌縫人陣也臣謂不然夫師以義出沛  
若時雨得天之時爲天陣足食約費且耕且戰得地之利  
爲地陣舉三軍士如子弟從父兄得人之和爲人陣舍是  
則何以戰帝曰善

唐德賢殿通鑑開元十三年上與中書門下及禮官學士  
聚於集仙殿上曰仙者憑虛之論朕所不取賢者濟理之  
具今與卿商合寔宜更名曰集賢

唐長壽殿

現上洛陽宮

唐仙居殿

現上洛陽宮

唐億歲殿

唐書崔神慶傳武后時待制億歲殿

玉海元

宗開元十五年閏九月億歲殿生芝草在東都

唐同明殿

薛訥傳突厥擾河北武后詔訥經略對同明殿

齊澣傳

太子還武后召澣宴同明殿曰朕母子如初卿

有力焉

唐德昌殿

見上洛陽宮

唐儀鸞殿

太宗實錄正觀十一年三月三日引五品已上

大射於儀鳳殿十八年十二月宴父老於儀鸞殿

唐洛城殿

方輿紀要洛城南門內曰洛城殿龍朔初與羣

臣外夷宴于洛城門武后載初二年策貢士于洛城殿或

以此爲夾城內別宮也

唐飲羽殿

見上洛陽宮

唐金華殿

陳子昂傳武后奇其才召見金華殿

玉海金

華殿在東都

唐含樞殿

狄仁傑傳武后時李楷固駱務整討契丹克之

獻俘含樞殿后舉酒屬仁傑賞其知人

玉海在東都

唐貞觀殿

玉海正觀十一年十一月宴五品已上及蕃夷

於正觀殿十八年日南至皇太子王公已下展賀正觀殿

唐端扆殿

會要神龍元年正月中宗卽位於通天宮端扆

殿

玉海在東都

按唐天紀萬歲登封三年在神都復作明堂改日通天宮神功元年置九門于通天宮明堂卽乾元殿也通天

宮卽紫微宮也故不別列通天宮而以端扆殿與乾元以下諸殿俱繫于洛陽紫微宮後

又按武后垂拱四年改洛陽明堂爲萬象神宮永昌元年饗于萬象神宮亦通天宮之別名也

唐飛山宮

會要貞觀十一年正月十四日新作飛山宮

魏徵傳帝作飛山宮徵上疏諫於是廢明德元圃院賜遭水者

唐明德宮

太宗紀貞觀十一年三月如洛陽宮六月幸明

德宮七月大雨水穀洛溢詔百官言事廢明德宮之元圃

院賜遭水家

玉海高宗顯慶二年五月幸明德宮避暑

唐八關宮

會要顯慶五年四月八日於東都苑內造八關

涼宮五月二十日改爲合璧宮

唐宿羽宮 高山宮 翠微宮

韋宏機傳高宗言兩京我

東西宅然隋宮室日什將更作奈財用何宏機言臣任司

農十年省常費三十萬緡以治宮室可不勞而成帝大悅

詔兼將作少府二官督營繕初造宿羽高山等宮

方輿

紀要調露初于隋苑中作宿羽高山宮尋又作翠微宮凡

離宮亭館共一十四所

唐上陽宮

地理志

上陽宮在東都禁苑之東東接皇城之

西南隅上元中置高宗之季常居以聽政

六典上陽宮

南臨洛水西拒穀水東面二門南曰提象門北曰星驅門

提象門內曰觀風門南曰浴日樓北曰七寶閣其內曰觀  
風殿北曰化成院西南曰甘露殿殿東雙曜亭又西曰麟  
趾殿東曰神和亭西曰洞元堂觀風之西曰本枝院又西  
曰麗春殿殿東曰含蓮亭西曰芙蓉亭又西曰宣男亭北  
曰芬芳亭其內曰芬芳殿宮之南面曰櫻洛門又西曰通  
仙門其內曰甘湯院次北東上曰玉京門門內北曰金闕  
門南曰太初門玉京之西曰客省院蔭殿翰林院宮西曰  
含露門玉京西北出曰仙桃門又西曰壽昌門門北出曰  
元武門門內之東飛龍廡

唐觀風殿

玉海武后徙上陽宮帝率百官詣觀風殿問起

居方輿紀要上陽門殿皆東向正殿曰觀風

唐甘露殿 麟趾殿 麗春殿 芬芳殿 蔭殿

並見上陽宮

唐西上陽宮

兩京記上陽宮西有西上陽宮

方輿紀要

上陽西隔穀水爲西上陽虹梁跨穀行幸往來皆高宗龍

朔後所置

按隋志河南桃林有上陽宮在今閩鄉或以爲卽唐西上陽不知唐之西上陽自在洛陽閩鄉乃隋上陽非唐之西上陽也

唐迎仙宮 李濂通志唐建卽張柬之斬張易之昌宗處

唐長生殿

張廷珪傳武后召見長生殿

玉海注在東都

通鑑張柬之遣詣東宮迎太子斬關而入斬易之昌宗於

廡下進至太后所寢長生殿

唐避暑殿 李濂通志在府城西北上店唐武后建

唐太微宮 玉海天寶二年加號混元皇帝爲大聖祖改西

京混元宮曰太清宮東京曰太微宮

五代梁文明殿 梁紀乾化元年九月朔御文明殿入閣

按梁紀注御殿而云入閣錄其本語以見禮失事在李琪列傳傳載明宗言唐故事天子日御見羣臣曰常參朔望薦食諸陵寢有思慕之心不能臨前殿則御便殿見羣臣曰入閣宣政前殿也謂之衙衙有伏紫宸便殿也謂之閣其不御前殿而御便殿也乃自正衙喚仗由閣門而入百官侍朝于衙者因隨以入見故謂之入閣然衙朝也其禮尊閣宴見也其事殺自乾符已後因亂禮缺天子不能日見羣臣而見朔望故正衙常日廢仗而朔望入閣有仗其後習見遂以入閣爲重至出御前殿猶謂之入閣其後亦廢至是而復然有司不能講正

其事凡羣臣五日一入見中興殿便殿也此入閣之遺制而謂之起居朔望一出御文明殿前殿也反謂之入閣琪皆不能正也

五代唐長壽宮

五代史唐家人傳莊宗滅梁入洛使人迎

太后歸洛居長壽宮

五代唐興聖宮

明宗紀天成元年入洛陽監國朝羣臣子

興聖宮

五代唐冷泉宮

明宗紀天成元年以象笏三十二賜百官

之無笏者閼稼於冷泉宮

五代唐至德宮

明宗紀天成元年九月幸至德宮

五代唐中興殿

伶官傳莊宗朝羣臣於中興殿

五代唐絳霄殿

伶官傳郭從謙攻興教門莊宗聞亂率衛

士擊亂軍出門亂兵從樓上射帝帝傷重踣于絳霄殿

五代唐臨芳殿 清異錄莊宗建殿前有牡丹千餘本

宋洛陽宮

玉海

開寶八年十月將議巡幸遣王仁珪李仁

祚焦繼勛同修洛陽宮鑿明年三月帝至洛觀其壯麗繼

勛等並進秩

會要

西京大內據京城之西北宮城周迴

九里三百步南面三門南曰五鳳樓東曰興教西曰光政

東一門曰蒼龍西門曰金虎北門曰拱宸正殿曰太極殿

殿前有左右龍尾道曰樓月樓次天興殿後有殿閣太極

殿門之西南曰應天門北乾元門次北敷政門次北文

明殿次垂拱殿建禮門之西曰廣壽殿其北曰明德殿其次天和殿其次崇徽殿明福門內曰天福殿其次太清樓其次思政殿延春殿北曰武德殿明福門之西曰金鑾殿其次壽昌殿玉華甘露長壽乾陽嘉興殿金鑾之西曰含光殿殿東廊後有紫雲樓樓前射殿南有講武殿殿後有後殿後苑內有長春殿東宮在蒼龍門之西宮後有飛龍院西有散甲殿

宋太極殿 玉海 西京大內正殿隋曰乾陽唐曰乾元明堂後改含元梁曰朝元後唐曰明堂晉曰宣德後復爲明堂太平興國三年改太極殿

宋天興殿

玉海太平興國改太極殿爲天興殿

乾元門爲太極門車輶院門爲鑾和門絳霄樓爲太清樓

宋垂拱殿 爲太極門車輶院門爲鑾和門絳霄樓爲太清樓

宋垂拱殿

玉海唐洛陽亦有延英殿天祐元年詔每月一

五九開延英太平興國改垂拱殿

宋廣壽殿

玉海開寶九年四月六日西京南郊禮成大宴

廣壽殿在建禮門之西唐曰嘉慶

宋明德殿

天和殿 崇徽殿

玉海太平興國改廣壽第二殿曰明德第三殿曰天和第四殿曰崇徽

二殿曰明德第三殿曰天和第四殿曰崇徽

宋天福殿

玉海殿在明福門內

宋太清殿

思政殿 延春殿

玉海太平興國改唐寢殿

曰太清第二殿曰思政第三殿曰延春

按唐絳霄殿爲寢殿宋改絳霄樓爲太清樓改絳霄殿爲太清殿

宋武德殿

玉海後唐端明殿天成元年以馮道趙鳳爲學

士太平興國改爲武德殿

宋金鑾殿

玉海祥符四年三月丁亥召輔臣於講武殿後

閱名花至金鑾殿召坐出再幸西京記示之

宋壽昌殿

玉華殿長壽殿甘露殿乾陽殿嘉興殿

華第四殿曰長壽第五殿曰甘露第六殿曰乾陽第七殿

曰嘉興

宋含光殿

射殿

宋講武殿

玉海

景德四年二月己巳次西京壬申宴從臣

于講武殿唐曰文思院毬場

宋長春殿

散甲殿

見上洛陽宮

按上諸殿俱在西京大內據玉海西京宮室合  
九千九百九十一餘區在大內之可記者如此

宋神御殿

宋史

真宗景德四年帝如西京謁諸陵詔西京

建太祖神御殿

按洛陽舊志殿在太祖誕生之地應天院內  
圖繪聖容于殿中今在府治東關夾馬營

宋帝華殿

玉海

西京太宗神御殿曰帝華

宋奉眞殿

安聖殿

崇眞殿

宋史仁宗天聖元年三月

甲戌奉安真宗御容于西京應天院景靈宮奉真殿昭應宮安聖殿并洪福院鴻慶宮慈孝寺崇貞殿

宋三聖殿

李濂通志

天聖中欲置真宗神御而難于遺仁

宗因以殿後齋宮並置三殿曰三聖殿慶歷中名太祖殿

曰興先太宗曰帝華真宗曰昭考

以上洛陽

宋會聖宮

宋史

仁宗天聖八年春正月作會聖宮于西京

永安縣以奉三聖御容

歐陽修會聖宮頌

國家采漢書

原廟之制作宮於永安以備園寢

按會聖宮在今偃師東二十里北卽鳳臺山上下臨洛水南與宋陵隔水相對宋時地入永安今隸偃師又攷中州金石錄會聖宮碑景祐元年立志載元祐九年建或係重修今據宋史宮作於天聖更在景祐前蓋天聖

作宮景祐正碑  
元祐重修也

偃師

夏頃宮 竹書紀年帝癸卽位居斟鄩築傾宮徐箋括地志  
故鄩城在鞏縣西南淮南墜形訓傾宮旋室高誘曰傾宮  
宮漏一頃旋以璇玉飾宮

按一統志禹封夏伯于鄩城帝癸居之築傾宮據高誘  
注地滿一頃固不若阿房建章之侈然禹卑宮室而後  
世如此已不能鑽厥舊服矣自古亡國  
不一端峻宇雕牆其一也可不戒哉

隋洛口龍舟殿 太業雜記車駕幸江都自漕渠口下乘小  
朱航行次洛口御龍舟皇后御翔螭舟其龍舟高四十五  
尺濶五十尺長二百尺四重上一重有正殿內殿東西朝  
堂周以軒廊中二重有一百六十房皆飾以丹粉粧以金

碧珠翠雕刻奇麗綴以流蘇羽葆朱絲網絡下一重長秋  
內侍及乘舟水手以素絲大條繩六條兩岸引進其引船  
人並名殿脚一千八十人並着雜錦綵粧襖子行纏鞋襪  
等分爲三番皇后御次水殿名翔螭其殿角有九百人又  
有小水殿九名浮景舟並三重珠絲網絡已下殿脚爲兩  
番番一百人諸嬪妃乘大朱航三十六名漾綵船並兩重  
加網絡殿脚百人又有朱鳥航蒼龍航白虎航元武航各  
二十四其架船人名船脚又有飛羽航六十青鳬舸十凌  
波舸十宮人習水者乘之又有五樓船三樓船二樓船板  
榻黃蔑舫並給黃衣夫又有平乘五百艘青龍五百艘艨

艦五百艘八櫂舸二百艘舡舸二百艘並十二衛兵所乘載兵器帳幙兵士自乘不給夫發洛口部

按鞏邑當隋唐時幸無宮殿土木之擾然洛口龍舟其爲煩費不支龍舟必在洛口者以數千百舳艤洛水不能容故皆置舟于洛水入河之處其上諸殿無可附附之于洛口可也

以上鞏縣

隋福昌宮

隋書地理志宜陽有福昌宮

唐書地理志福

昌縣因隋宮爲名有故隋福昌宮顯慶三年復置

隋顯仁宮

隋書地理志壽安有顯仁宮

唐書魏徵傳太

宗幸洛次昭仁宮

卽顯仁宮政要同

多所譴責徵諫曰隋惟責不

獻食或供奉不精而至于亡今正當兢懼戒約何令人悔不爲奢

方輿紀要

顯仁宮隋置自西京幸東都以此爲

中頓亦曰甘棠宮唐初討王世充史萬寶進軍甘棠宮是  
也後仍曰顯仁貞觀十一年幸顯仁宮

按李濂通志顯仁宮在府城皂澗洛陽志遂以顯仁宮  
入洛陽今考皂澗卽宜陽之黑澗水經洛水逕宜陽縣  
故城南注黑澗水南出陸渾西山歷于黑  
澗西北入洛是皂澗在宜陽不在洛陽也

唐蘭昌宮

地理志河南福昌縣西十七里有蘭昌宮

按蘭昌宮或以爲卽福昌宮考唐志日有蘭昌宮  
又曰有隋故福昌宮其非一宮明矣亦顯慶中置

唐連昌宮

地理志壽安西二十九里有連昌宮顯慶三年

置

李濂通志蘭昌宮一名玉陽宮

玉海元稹有詞

唐興泰宮

地理志壽安西南四十里萬安山有興泰宮長

安四年置并析置興泰縣

會要長安四年毀三陽宮取

其材木造興泰宮于壽安縣之萬安山左拾遺盧藏用諫  
不從 章安石傳 武后幸興泰宮議趨疾道安石曰此道  
版築所成非自然之固后爲回輦 武三思傳 建營興泰  
宮于萬壽山請太后歲臨幸

按興泰宮唐志言在壽安西南萬安山山在宜陽非洛  
陽之萬安山也 洛陽志因萬安山之名遂誤以興泰宮  
入洛志又據三思傳宜陽  
之萬安山亦名萬壽山

以上宜陽

後魏離宮 萬山志會善寺本魏孝文帝離宮魏亡爲澄覺  
禪師精舍隋開皇中賜名會善寺嵩嶽寺亦魏離宮

唐奉天宮 會要永淳元年七月造奉天宮於嵩山之陽宏  
道元年十二月廢文明元年二月改爲嵩陽觀 通鑑高

宗作奉天宮監察御史襄行李善感諫上不納自褚遂良韓瑗之死中外以言爲諱幾二十年及善感始諫天下皆喜謂之鳳鳴朝陽

唐三陽宮 武后紀久視元年一月復于神都作三陽宮四月如三陽宮

按宮在告成東五里石淙水上

宋崇福宮 元梁宜崇福碑崇福宮踞嵩嶽之麓卽漢萬歲觀唐改曰太乙宋升爲宮以太乙殿改祈真又曰保祥左右建真宗元神本命二殿天聖中保祥北爲真宗御容殿像真獻后於西閣帳內供設提舉管勾以主祝釐離宮掖

其東殿閣千楹有奇累朝于此避暑有奕基携蒲泛觴三亭

按宋崇福宮設提舉管勾諸官命朝臣領之其負重望而忤時者悉投閒於此范希文仲淹韓持國維司馬君實光及子康呂獻可誨程太中珦及子伯淳顥正叔頤楊中立時李伯紀納趙開封野李漢老邴朱晦菴曹簡甫彥約徐允叔應龍劉德修光祖許成子奕崔正子與之倪正甫思王資道居安晁以道說之張文潛來前後凡二十二人

金承天宮嵩山志承天觀金重慶元年建卽隆唐觀故址亦稱承天宮  
以上登封

唐崎岫宮李濂通志在永寧縣西五里唐顯慶三年建唐建詩武帝去來紅袖盡野花黃蝶領春風

唐蘭峰宮

唐書地理志永寧縣西三十三里有蘭峰宮顯

慶三年置

以上永寧

唐紫桂宮

唐書地理志漚池西五里有紫桂宮儀鳳二年

置調露二年曰避暑宮永淳元年曰芳桂宮宏道元年廢

按紫桂避暑芳桂同  
宮異名故不另列

漚池

河南府志卷之六十一

古蹟志七

觀

臺

樓

堂

庫

觀

漢東觀

洛陽宮殿名南宮有東觀漢氏圖籍所在有石渠

石室延閣廣內蓄之於外府又有御史掌蘭臺秘書及麒麟天祿二閣藏之於內禁城帝延熹二年始置秘書監官秩六百石掌典書古今文字攷古今同異屬太常

按後漢紀和帝幸東觀覽書林安帝詔博士校定東觀是正文字和熹鄧太后嘗從曹大家受經書選諸儒詣東觀檢書列傳中如曹褒集禮東觀黃香諸東觀讀未見書劉珍與劉駒驗馬融校定東觀五經諸子又與傅毅著中興以下各臣列士傳班昭就東觀踵成兄固漢書孔僖校書東觀李尤詣東觀受詔作賦張衡欲終成

漢家禮儀上疏論專事東觀寶章入東觀爲校書郎高  
彪校書東觀後靈帝詔畫彪像以勸學者李勝爲東觀  
郎鄧嗣與伏無忌延篤著作東觀崔實與朱稚邊韶等  
著作東觀盧植與蔡邕楊彪韓說等並在東觀蓋東漢  
圖籍多在東觀當時學者稱爲老氏藏室道家蓬萊山  
以老子嘗爲守藏史復爲柱下史四方所記文書皆歸  
柱下孔子入周考禮洛陽藏書之盛有自來矣迨光武  
都洛經牒秘書載之二千餘兩至於孝和三倍於前故  
漢代諸儒多入東觀雖校撰集專心研精著作之林於斯爲盛

漢承風觀 陸機洛陽記 東觀高闕十二間介于承風觀

漢白虎觀 章帝紀詔下太常將大夫博士議郎郎官及諸  
生諸儒會白虎觀講議五經同異使五官中郎將魏應承  
制問侍中淳于恭奏帝親稱制臨決如孝宣甘露石渠故  
事作白虎議奏

按後漢列傳肅宗好古文尚書左氏傳召達入講射聲校

白虎觀魏應習魯詩會諸儒於白虎觀丁鴻兼射聲校

尉肅宗詔鴻與廣平王羨及諸儒樓望成封巨郁賈逵

等論定五經同異於白虎觀李育於白虎觀以公羊義

難賈逵班固爲元武司馬天子會諸儒講論五經作白

虎通德論令固撰集其事書凡十卷四十四門爵號禮

樂巡狩情性衣裳三綱六紀五刑三軍

之事悉備皆東漢諸儒講論白虎之義

### 漢增喜觀

鄧氏紀有北宮增喜觀

漢聽訟觀 晉刑法志光武中興留心庶獄常臨聽獄訟躬  
決疑事明帝卽位常臨聽訟觀錄洛陽諸獄帝性旣明察  
能得下姦故尚書奏決近於煩碎

### 漢平樂觀

水經注靈帝於平樂觀下起大壇上建十二重

五采華蓋高十丈壇東北爲小壇復建九重華蓋高九丈

列奇兵騎士數萬人天子住大蓋下禮畢天子躬擐甲冑無上將軍行陣三匝而還設祕戲以示遠人故東京賦曰其西則有平樂都塲示遠之觀龍雀蟠蜿天馬半漢應劭曰飛廉神禽能致風氣古人以良金鑄其形明帝永平五年長安迎取飛廉并銅馬置上西門外平樂觀今於上西門外無他基觀惟西明門外獨有此臺巍然廣秀疑卽平樂觀也

按觀者觀也必有臺可臨觀故道元於上西門外求臺基不得而以西明門外之臺當之西明門在今白馬寺稍南其臺自名皇女臺非平樂觀臺也平樂觀在今白馬寺西北正當古洛陽上西門外今尚名平樂村

漢長樂觀

高彪傳靈帝時京兆第五永爲督軍御史使

幽州百官大會祖餽于長樂觀議郎蔡邕等皆賦詩彪獨

作箴

漢承祿觀

玉海後漢有承祿觀清河王慶居之

漢臨洛觀

崔駰大將軍臨洛觀賦濱曲洛而立觀營高壤

而作廬處崇顯以閒敞超絕鄰而特居列阿閣以環匝表  
高臺而起樓步輦道以周流臨軒檻以觀魚

漢百尺觀

綱目靈帝光和五年起百尺觀

魏聽訟觀

水經注聽訟觀故平望觀魏明帝常言獄天下

之命也每斷大獄恒幸觀聽之以太和三年更從今名觀  
西北接華林隸簿昔劉楨磨石處也文士傳曰文帝之在

東宮也宴諸文學酒酣命甄后拜坐坐者咸伏成一作咸惟劉楨平仰觀之太祖以爲不敬送徒隸簿後太祖乘步牽車乘城降觀簿作諸徒咸敬而楨操作磨石不動太祖曰此非劉楨也石如何性楨曰石出荆山元巖之下外炳五色之秀內秉堅貞之志雕之不增文磨之不加瑩稟氣貞正稟性自然太祖曰名豈虛哉復爲文學

魏崇文觀

魏志明帝置崇文觀徵善屬文者充之王肅領祭酒

魏總章觀

魏志明帝青龍二年大治洛陽宮築總章觀建

翔鳳於其上使八方才人宮女尚書居之

魏凌霄觀

魏志明帝作凌霄觀

魏昌都觀

洛中記昌都觀都水使者陳熙造

晉宣武觀

武帝紀

泰始九年臨宣武觀大閱諸軍十年帝

臨宣武觀大閱諸軍咸寧元年大閱於宣武觀三年帝臨

宣武觀大閱太康四年大閱于宣武觀

凡五閱

山濤傳武

帝常講武於宣武場濤時有疾詔乘步輦從因與盧欽論用兵之本以爲不宜去州郡武備時咸以濤不學孫吳而闇與之合帝曰天下名言也而不能用

洛陽宮中九觀

陸機洛陽地記

宮中有臨高凌雲宣曲廣

望闖風萬世修齡總章聽訟凡九觀皆高十六七丈以雲

母著窻裏日曜之輝煌有光輝

洛陽城外七觀

陸機洛陽地記

洛陽城外有宣陽于秋鴻

池泉城揚威石樓等觀城外又有閨中觀

洛陽城十八觀

華延雋洛陽記

洛陽城十八觀皆施元檻

鐵籠疏雲母幌

洛宮十一觀

建康宮闈簿

洛宮中有元覽觀東氾觀清覽

觀高平觀竹松觀見親觀高樂觀凌雲觀章臺觀宣曲觀

萬年觀

按自洛陽九觀以下或晉因魏舊或魏因漢  
舊不可以世代分故併附于晉代諸觀之後

後魏涼風觀

楊衒之伽藍記

西遊園中凌雲臺上有八角

井高祖於井北造涼風觀登之望遠目極洛川

後魏宣慈觀

——伽藍記凌雲臺東有宣慈觀去地一丈

後魏景陽觀

——伽藍記華林園有清暑殿殿西有景陽觀

隋太微觀

——大業雜記端門卽宮南正門重樓上名太微觀

隋紫微觀

——大業雜記則天門兩重觀觀上名紫微觀

隋通真觀

——大業雜記西苑內造山爲海山上有通真觀

見前甘泉宮內

以上洛陽

隋棲霞觀

按周置兩觀以表宮門春秋作雉門及兩觀闕中爲門  
謂之闕上可登觀謂之觀戴記所謂孔子遊于兩觀也  
漢後臺土架木皆曰觀不獨門闕爲然然猶爲天子遊  
觀之所唐以來率以祠老子者謂之觀於古名觀之義  
相去遂遠洛陽爲王者都臺觀宜附宮闕後其  
他縣所有古觀悉羽流所棲則別置寺觀門中

臺

周鳳凰臺

李通志在府城北卽山鳳凰保副使周敘詩丹

穴九苞鳳來儀表禎祥先集于岐山後下于北卽一鳴帝

德盛再鳴王道昌

按鳳降北卽在成王之世今北卽

有鳳凰臺

周公臺

李通志在府城東周公輔成王朝諸侯之所隣末

李密據金鏞營寢室於臺後

周雲臺

五行志雲臺周家所造圖書術籍珍玩寶怪所藏

周昆明臺

述征記周靈王二十三年起昆明之臺一名宣

昭之臺聚天下異木神工篩水精爲泥臺高百丈升之以望雲色時有萇宏能招致神異王登臺忽見一人乘空而

至乘游飛之輦駕以青螭其衣皆縫緝毛羽王卽迎之上  
席時天下大旱地裂木燃一人先唱能爲雪霜引氣一噴  
則雲起雪飛坐者皆口禁井池冰堅可琢又設狐腋素裘  
紫纏大襦是西域所至施于臺上又一人以指彈席上而  
暄風入室裘襦皆棄臺下

周諺臺

說文周景王作洛陽諺臺

尺氏切

漢靈臺

水經注靈臺望雲物也漢光武所築高六丈方二

十步世祖嘗宴於此臺得走鼠

當作

鼯鼠

於臺上亦諫議大夫

第五子陵之所居渝

當作倫

少子也以清正

疑脫爲

郡功曹

洛陽無

主人鄉里無田宅寄止靈臺或十日不炊司隸校尉南陽

左雄尚書廬江朱孟興等故孝廉功曹各致禮餉並辭不

受

按擊虞三輔決錄注寶攸舉孝廉爲郎世祖大會靈臺得鼠如豹文問羣臣莫知者攸對曰麁鼠也見爾雅詔

按秘書如攸言賜帛百匹又靈臺

十二門章帝有靈臺十二門詩

漢雲臺

淵鑑類函

永平初以馬援女立爲皇后顯宗圖畫

建武中名臣列將于雲臺以椒房故獨不及援東平王蒼觀圖言于帝曰何不畫伏波像帝笑而不言

漢溫明臺

東京記洛州溫明臺後漢世祖畫卧此殿耿弇

入造牀下勸卽位處

漢蘭臺

百官志御史中丞蘭臺令史六百石掌奏及印工

文書 王充論衡蘭臺之史班固賈逵楊終傅毅之徒名

香文美

漢臨照臺

水經注南宮有譲臺臨照臺

漢清源臺

玉海漢明帝遣郎中蔡愔奏景使天竺求佛經

得四十二章因立白馬寺其經藏于蘭臺石室又畫像于

清源臺及顯節陵上

按玉海引文苑英華並云清源又引冊府元龜云清涼臺以清源爲清涼恐與改金根爲金銀同舊志仍之誤

漢皇女臺

水經注皇女雅殤埋于臺側故名

雅當作稚互見前平樂觀

魏凌雲臺

書斷韋誕字仲將善書法題署尤精明帝凌雲

臺初成誤先釘榜未題署以籠盛誕輒輒畏絇引上去地

二十五丈就點畫誕因危懼以戒子孫無爲大字楷書

按水經注引洛陽記凌雲臺西有金市金市北對洛陽  
壘俱在金墉城南方輿紀要謂苻秦置戍于此晋大元  
八年丁零翟斌叛舉兵新安慕容鳳等歸之敗秦兵克  
凌雲臺戍是也又東晉末劉裕誅除宗室宗室多逃亡  
在河南司馬順明率衆保凌雲臺卽此以寰宇記謂在  
水南保者爲誤今攷水南保有水磨村有漢雲臺圖二  
十八將故址寰宇記所指乃雲臺非凌雲臺也方輿  
紀要以雲臺凌雲臺爲一而反疑寰宇記誤謬矣

魏九華臺

玉海文帝築凌雲臺又築九華臺

魏硯子臺

東京記魏硯子臺云是張儀家似硯也

魏辟寒臺

述征記魏明帝五年昆明國貢噉金鳥帝將此

鳥畜于靈禽之園餌以珍珠飲以龜腦鳥常吐金屑如粟  
鑄之以器服畏霜雪乃起小屋以處之名曰辟寒臺皆用

水精爲戶牖使內外通光而風霜恒隔宮人爭以鳥所  
之金用飾釵珮謂之辟寒金

魏燭臺

拾遺記

文帝所愛美人薛靈芸未至京師數十里

膏燭之光相續不滅築土爲臺基三十丈列燭於臺下  
名曰燭臺望之如列星之墜地

後魏臨雲臺

伽藍記

永寧寺九層浮圖爲火所燒帝登臨

雪臺望火當時雷雨晦冥雜下霰雪火經三月不滅有入

地柱火尋柱周年猶有煙氣後有人來云見浮圖於海中

後魏靈芝釣臺

伽藍記

西遊園中涼風觀東有靈芝釣臺

累木爲之出于海中去地二十丈風生戶牖雲起棟梁刻

石爲鯨魚背負釣臺旣如從地踊出又似空中飛下釣臺  
凡四殿皆有飛閣向靈芝往來三伏之日皇帝在靈芝臺  
避暑

後魏臨危臺

伽藍記華林園清暑殿西有臨危臺

後魏靈臺

伽藍記雙女寺東有靈臺基址雖頽猶高五丈

餘卽漢光武所立汝南王復造輒浮圖于靈臺之上

按伽藍記有駱子淵者自云洛陽人戍彭城同營樊元  
寶假還京師子淵附書云宅在靈臺南近洛水鄉元寶  
如言至靈臺南了無人家徒倚欲去忽見老公問從何  
來元寶具向道之老公曰是吾兒也取書引元寶入見  
屋宇佳麗坐命婢取酒兼設珍羞飲訖辭還老公送別  
甚殷勤還入不復見其門巷但見高岸對水緣波漣漪  
元寶與子淵同戌三年不知是洛水之神也據記所稱  
鬼成蓋後魏孝昌時妖賊四侵州郡失據設募靈臺人

苦征戍豈非妖由人興與抑作記者寓言  
鬼物譏朝廷征戍煩興雖鬼神亦不免耳

後魏凌雲臺 九華臺 鹿苑臺 閣武臺 含章臺

臺

按自凌雲以下諸臺見玉海歷代臺名而不繫以地不必盡在洛陽如凌雲九華後魏承曹魏舊址當在洛陽若閣武臺據後魏孝文紀太和十八年北巡幸閣武臺乃在陰山其餘可知攷洛陽舊志自鹿苑臺以下合隋建章諸臺併目爲隋臺而曰俱在洛陽時代既舛屬隸亦妄蓋以後魏及隋並都洛陽遂誤以兩代臺名俱在洛陽也且誤以建章爲建樂月輪爲日輪集靈爲染靈更多黃龍千秋萬歲誤殿爲臺謬戾多端悉爲正之

隋行雨臺

見前甘泉宮

隋仰觀臺

天業雜記閭闈重門南北並有仰觀臺

兩京

記東都闕北及南皆有觀象臺女史仰觀之所

李密龍虎臺

〔季通志〕在府城東李密築以閱武

唐黃臺

〔季通志〕在洛陽唐章懷太子有種瓜黃臺下之句

唐麗春臺

〔玉海〕

兩京記東都城有流杯殿在麗春臺北有

東西廊南至麗春臺北連宏徽殿南頭皆亭子間以山池

殿上作漆渠九曲

唐宿羽臺

〔通鑑〕

長安三年十一月宴突厥使於宿羽臺太子

子預焉

按洛陽舊志於唐並列鸞臺麟臺等據百官志垂拱元年改秘書省曰麟臺門下省曰鸞臺與隋內史省謁者

臺皆臺省之名不可入臺觀門中不

元年御史臺改肅政臺又分左右臺光宅元年尚書省

改文昌臺長安三年日中臺龍朔二年改秘書省曰蘭

臺皆官制非臺名也今於舊志既削去而漢蘭臺猶存

其名何也漢雖有蘭臺令史之官而文選賦

注曰蘭臺名校書處則不妨列臺觀中矣

宋梅臺

李通志在府城張明叔宅司馬光有記

按富鄭公園湖園皆有梅臺見後各園內

宋天光臺

李通志在府城內宋富弼歸老時所築元豐三

年有星墮弼升臺焚香再拜知其將終

宋賞幽臺

見富鄭公園

風月臺

繡野臺俱見環園見山臺

紫金臺

見張氏園

玩月臺

見胡氏園

以上洛陽

周望江臺

李通志在偃師縣伊水上周劉康公所築

河內縣志

卷之二 古蹟志

十

臺

按中州無江以望  
江名臺不知何據

偃師

古夏臺

方輿紀要

夏臺湯囚處史記韓世家釐王十年秦

敗我師于夏山或曰卽夏臺也司馬貞曰夏臺亦曰釣臺

夏獄名郡志臺在鞏縣西南與永安故城相近

按夏啟有釣臺之享享者朝享也說者多以釣臺在今

禹州司馬氏

以

釣臺卽夏臺

因夏啟朝諸侯而名夏

今

夏臺在鞏則禹州之釣臺不得專彼爲是矣且夏桀居鞏之斟鄩當時或因朝享諸侯而囚湯未可知也

李密黃冶臺

李通志在鞏縣東南卽李密與李淵相拒處

其址尚存

以上鞏縣

周觀兵臺

李通志在孟津縣東周武王觀兵于此一名選

將臺

首十有三年而爲周師再舉之說程子謂以兵魯君無此理則觀兵臺之名不存可也且又稱選將亦非周代名字恐卽水經注所謂高祖講武場也誤傳爲周耳

周歇鶴臺

李通志在孟津縣舊河清縣西境三十里世傳

王子晉浮邱公遊王屋歇于此

以上孟津

周測景臺

李通志

在登封縣東南古陽城縣內周公定此

地爲土中立土圭測日以驗四時之氣

周觀星臺

李通志在測景臺北周公所築

按唐志河南府陽城縣有測景臺會要儀鳳四年太史令姚元辯奏于陽城測景臺依古法立八尺表夏至日

中測景一尺五寸正與古法同調露元年於陽城周公測景所得土圭長一丈二尺七寸又開元十一年詔太史監南宮說刻石表焉今登封告縣有石表刻周公測景臺五字彷彿可識蓋說所刻也後人據此遂謂測景臺

唐蹟非周蹟夫唐于陽城測景固因周公舊蹟而爲之在爾時已先有臺乃奏依古法併爲刻石非全無遺蹟妾目爲周公也至所得土圭尺寸爲周公制否不可知今依周官土圭法求之則唐所得土圭乃冬至之景長非夏至之景長卽冬至八尺臬之表景亦不止丈二尺七寸當是唐尺周尺長短不同依法求之更可得唐尺長于周尺之數至觀星臺築于周公通志云爾他無可據存其說可也

漢登仙臺

玉海戴延之西征記漢武帝作登仙臺在少室

峯下

按玉海引西征記登仙臺在少室峯下又斷文謂淮南王安立思仙臺說嵩割裂上下文合爲一乃稱玉海日思仙臺在少室峯下淮南王築遂使登封登仙臺之外多一思仙臺如此率合後人不見原本何處考辨

漢集仙臺

李通志集仙臺在登封縣東北八里漢武帝築

漢金蠶臺

李北海嵩嶽寺碑漢武建金蠶之臺

嵩畫在

縣城北一里

漢玉女臺

〔李通志〕在登封縣東四十五里與嵩高連亘漢

武帝東遊過此見仙女因名

以上登封

倉帝造字臺

〔路史禪通紀〕

倉帝史皇氏實有睿德生而能

書及受河圖緣字於是窮天地之變仰觀奎星圖曲之勢

俯察龜文鳥羽山川掌指而剏文字形位成文聲具以相

生爲字

〔羅莘註〕河圖玉版云倉頡爲帝南巡狩登陽虛之

山臨於元扈洛汭之水靈龜負書丹甲青文以授

〔按陽虛元扈在今永寧則造字臺遺蹟有自來矣但據  
路史倉帝造字仰觀俯察固非一端必謂受龜書于元

扈乃造文字猶未爲通論也又長安三會  
寺亦有倉頡造書堂羅莘註以爲不然

夏鹿臺

名勝志鹿臺在永寧縣北相傳洪水時禹至此見

一山獨出此臺又謂之高霞臺

以上永寧

戰國會盟臺

李通志會盟臺在漚池縣西秦昭王與趙惠

王會盟于此

漚池

樓

魏凌雲樓

世說凌雲樓樓觀極精巧先稱平衆材輕重當

宜然後造構乃無緇銖相負揭臺雖高峻恒隨風搖動魏明帝登臺懼其勢危別以大材扶持之樓卽頽壞論者謂輕重力偏故也

魏層樓

見都邑金墉城下

魏百尺樓

水經注大夏門故夏門陸機與弟書云門有三

層高百尺魏明帝造

晉鳳皇樓

儀鳳樓 翱鳳樓 肅雲樓 吳星樓 晉宮

閣名洛陽有鳳皇樓總章觀儀鳳樓在觀上廣望觀之南

又別有翔鳳樓又有慶雲樓伺星樓

後魏西北樓

伽藍記清河王懌勢傾人主第宅豐大西北

有樓出凌雲臺俯臨朝市目極京師古詩所謂西北有高

樓上與浮雲齊者也

唐廣達樓

唐書王君奐傳開元十四年君奐破吐蕃奏凱

還元宗宴君奐及妻夏於廣達樓賜金帛玉海注夏亦有

以戰力封武威郡夫人  
李淵賦建崇樓於關下  
舞飛閣  
於城隅德陽傍倚少室前瞻

唐五鳳樓

通鑑開元二十三年正月上耕藉田都城酺三

日上御五鳳樓酺宴

元德秀傳爲魯山令元宗在東都

酺五鳳樓命三百內縣令刺史各以聲樂集德秀惟樂工  
數十人連袂歌于焉

詳見人物

唐浴日樓

韋述兩京記上陽宮有麗春臺浴日樓

五代梁五鳳樓

五代史羅紹威傳太祖卽位將都洛陽紹

威取魏良材爲五鳳樓朝元前殿浮河而上立之京師太

祖嘆曰吾聞蕭何守關中爲漢起未央宮豈若紹威越千

里而爲此若神化然功過蕭何遠矣

宋紫雲樓 玉海 西京含光殿東廊後有紫雲樓

宋日月樓 玉海 西京太極殿前有日月樓日月華門

按洛陽舊志誤以紫雲爲紫陽且誤以太清紫  
雲日月等樓列爲唐蹟今悉依玉海而正之

宋太清樓 玉海 西京天福殿之次有樓後唐曰終

興國三年改爲太清樓寢殿曰太清

宋五鳳樓 玉海 西京大內正南門曰五鳳樓國初建名祥

符四年三月丁亥祀汾陰回駐蹕將賜酺有司請改五鳳  
樓名上曰太祖建樓因瑞應建名不可更也己丑上御五

鳳樓觀酺三日

宋雙桂樓

李濂通志在府治宋天聖間錢惟演留守西都

時建

按歐陽公曰余居府中時嘗隔屏思公子雙桂樓下見一小屏後細書字滿其上思公指之曰欲作花品此是牡丹名凡九十九餘種

以上洛陽

閣

閣附

漢阿閣

後漢馬援傳馬嚴顯宗時拜將軍長史將五軍五

校士羽林禁兵三千人屯西河美稷衛護南單于聽置司

馬從事牧守謁敬同之將軍敕嚴過武庫祭蚩尤帝御阿

閣觀其士衆時人榮之 玉海閣有四阿謂之阿閣

漢仁壽閣

隋志明章重儒術四方鉅儒鴻生負袞自遠而

至者不可勝算石室蘭臺彌以充積於東觀及仁壽閣集  
新書校書班固傅毅等典掌焉並依七畧爲書部因又編  
爲漢藝文志

玉海顯宗詔馬嚴留仁壽閣定建武註記

漢東觀藏書閣

班昭傳

班固著漢書其八表及天文志未竟和帝詔昭就東觀藏書閣踵而成之

漢石渠閣

廣內閣

秘書閣

麒麟閣

天祿閣

見前東觀下

按石渠天祿並起西漢迨東漢遷都猶仿其制故洛陽宮殿名亦有之

漢魏洛陽閣總數

洛陽宮殿簿

高平觀南行至清覽觀高閣二十四間修齡觀南行至臨商觀高閣五十五間太極

殿前南行仰閣三百二十八間南上總章高閣十三間禾

寧宮連閣二百八十六間連閣上下數見親觀差閣九間

洛陽地記雲臺高閣十四間乘風觀閣十二間丹陽

記漢魏殿觀多以複道相通故洛宮之間七百餘間

晉秘書中外三閣唐六典秘書省中外三閣掌典圖書古

今文字皆在禁中兩漢或徙金馬外歷代不常其處注晉

惠帝永平元年詔別置秘書寺掌中外三閣圖書

後魏虹霓閣伽藍記華林園內有大海海內作蓬萊山並

作虹霓閣乘虛來往

唐臨渡閣

閭闈閣

東京記紫微宮有臨渡閣

一作閭闈閣

宋崇德閣

李濂通志在洛陽司馬光與邵雍期會于崇德

閭邵後至光有詩林端高閣望已久花外小車猶未來

宋懷古閣

報政閣

尊賢閣

三閣見

洛陽朝市圖

按朝市圖碑在舊府治門內之西圖已剥泐不可識下  
截僅存數字乃元至正年號則閣之爲宋爲元不可知  
姑仍舊志可也

漢東閣

玉海永平初東平王蒼爲驃騎將軍開東閣延英

雄

漢黃閣

宋志三公黃閣前史無其義禮記士卑與天子同

公侯大夫則異鄭元注云士賤與君同不嫌也朱門洞

開當陽之正色也三公之與天子禮秩相亞故黃其閣以

示謙漢舊制也

漢省閣

〔玉海〕楊賜拜太尉中平元年被召會議詣省閣切

諫

晉金光閣

文成閣

青陽閣

朱明閣

承休閣

安樂

閣

白藏閣

顯仁閣

崇明閣

章德閣

飛雲閣

安世閣

長安閣

見管宮閣名俱在洛陽內

後魏東上閣

西上閣

〔玉海〕後魏崔光乘步挽至東西上

閣

堂

堂皇附

周明堂

〔孔安國家語〕孔子觀乎明堂覩四門墉有堯舜之

容桀紂之象而各有善惡之狀興廢之戒焉又有周公相

周王抱之負扆南面以朝諸侯之圖焉孔子徘徊而望之  
謂從者曰此周之所以盛也

按周禮季春秋享帝于明堂以文王配所謂宗祀文王于  
明堂以配上帝也明堂卽文王廟非廟外別有明堂其  
王者朝諸侯之所亦曰明堂仿王路寢之制王者每月  
所居隨方開門先儒所謂元堂之右个卽青陽之左个  
青陽之右个卽明堂之左个是已一明堂也或爲廟或  
爲寢何也禮家謂室有東西夾曰廟無東西夾曰寢其  
制固不大相遠故祀上帝于文王廟曰明堂王者之所  
居亦曰明堂漢以後如公玉帶之徒紛紛建議合諸禮  
經固未見其有合  
也存其說可矣

漢明堂 水經注穀水又逕明堂北漢光武中元元年立尋  
其基構上圓下方九室重隅十二堂蔡邕月令章句同之  
故引水於其下鑿壁雍

漢玉堂

宦者傳使鈞盾令繕修南宮玉堂又鑄四鍾垂於

玉堂及靈臺殿前

漢萬金堂

續漢書中平二年造萬金堂於西園

漢纂食堂

文獻通考在洛陽西南卽長壽宮

魏東西堂

玉海洛宮之號起自魏東西堂亦魏制於周小

寢也

魏苗茨堂

伽藍記華林園有石碑魏明帝所立題曰苗茨

之碑高祖於碑北作苗茨堂永安中年莊帝馬射於華林

園百官皆來讀碑疑苗字誤國子博士李同軌曰魏明英

才世稱三祖公幹仲宣爲其羽翼但未知本意如何不得

言誤也衍之時爲奉朝請因卽釋曰以萬乘之故言苗茨何誤之有衆咸稱善以爲得其旨歸

按玉海引水經注有茅茨堂前有茅茨碑不言苗茨恐傳寫之誤耳楊衍之目見石碑因以生解當無誤

晉宣獻堂

文選陸士衡有皇太子宴元圃宣獻堂詩注宣

獻堂名在園中

賈堂名

玉海晉宮閣名洛陽有則百堂螽斯堂休徵堂延

祿堂仁壽堂綏福堂含芳堂樂日堂

一作樂昌堂

椒華堂

芳音堂顯成堂承光堂五福堂嘉寧堂堯母堂永光堂長

壽堂

按玉海引晉宮閣名與藝文類聚少異玉海所引堂名凡十七類聚所引堂名止十二淵鑑類函所引與類聚

同類聚中又多一承慶堂不列者  
類見洛陽宮殿簿尚詳在後也

晉太學講堂

水經注

陸機言太學贊別一碑在講堂西

後魏清徽堂

凝閑堂

茅茨堂

在城王澄傳車駕還洛

引見王公侍臣於清徽堂帝曰此堂成來未與王公行宴

樂之禮後東閣廡堂粗復始就故今與諸賢欲無高而不

升無小而不入因之流化渠洗煩池次之凝閑堂帝曰此

堂取夫子閑居之義不可縱奢以忘儉自安以忘危故此

堂後作茅茨堂謂李沖曰此東曰步元廡西曰遊凱廡此

座雖無堯舜之君卿當無愧元凱冲對曰臣旣遭逢堯舜

之君不敢辭元凱之舉

後魏光極堂

高祖紀太和十九年十二月朔引見羣臣於

光極堂宣示品令爲大選之始

後魏法流堂

胡太后傳幸西林園法流堂命侍臣射不能

者罰之又自射鍼孔中之大悅賜左右布帛有差

後魏西栢堂

于忠傳世宗崩肅宗卽位忠與門下議以肅

宗幼年未親機政太尉高陽王雍屬尊望重宜入居西栢

堂省決庶政

後魏都亭堂

水經注渠水南入華林園瑤華宮南歷景陽

山北山在都亭堂上結方湖湖中起御座石也御座前建

蓬萊山曲池接筵飛沼拂席南面射侯夾席武峙背山堂

上則石路崎嶇巖嶂峻嶮雲臺風觀纓巒帶阜遊觀者升  
降耶閣疑作阿閣出入虹陛望之狀鳬沒古本作島沒一作鳥沒吳本改作鳬沒鸞舉矣其中引水飛鑿傾瀾瀑布或枉渚聲溜潺潺不斷  
竹柏蔭於層石繡薄叢於泉側微颺暫拂則芳溢於六空  
入爲神居矣

後魏都堂

伽藍記華林園奈林西有都堂堂東有扶桑海

按伽藍記華林園都堂疑即水經注所謂都亭堂也

後魏國子學堂

伽藍記國子學堂內有孔口像顏淵問仁

子路問政在側

按伽藍記在後魏時佞佛不知尊聖固無足怪但言塑二賢侍側不知於問仁問政作如何塑令人失笑

後魏涼風堂

〔伽藍記〕建中寺本闔官司空劉騰宅有涼風

堂本騰避暑處妻涼常冷經夏無蠅有萬年千歲之樹

後魏文栢堂

〔伽藍記〕河間王琛造文栢堂形如徽音殿

後魏退賓堂

〔伽藍記〕清河王懌有退賓堂製如清署殿

後魏萬年堂

〔見洛陽志〕

按魏書皇后列傳曰初高祖預營壽宮於方山及遷洛陽乃自表瀍西以爲山闈之所而方山虛宮至今猶存號曰萬年堂是萬年堂在方山不在洛

陽瀍西也洛舊志謂瀍西有萬年堂誤

後魏堂名

〔玉海〕歷代堂名後魏有雲母九華光極華休

淵鑑類函洛陽宮殿簿有九華芳香琴堂百戲堂徽音堂

承慶堂昌福堂嘉德堂虛德堂修成堂

按玉海後魏有九華堂洛陽宮殿簿亦有九華堂但宮殿簿九華外尚有九堂名不詳所起附九華而見又洛陽舊志後魏列皇信堂攷魏書記皇信堂事尚在未遷洛前則皇信在代不得入洛

隋東西朝堂 大業雜記則天門南八十步過橫街道東有

東朝堂道西有西朝堂

隋射堂 大業雜記儀鸞殿南有射堂對闔闔門

唐崇狀堂 李通志在洛陽縣舊洛州治中唐永徽初賈敦  
顧弟敦實前後爲刺史並有惠政後人爲建此堂

唐綠野堂 裴度傳時闔暨擅威天子擁虛器縉紳道喪度  
不復有經濟意乃置第東都集賢里午橋作別墅具燠館

涼臺號綠野堂激波其下度野服蕭散與白居易劉禹錫

爲文章把酒窮晝夜相歡不問人間事

唐中隱堂

卽舊金谷園白居易有詩刻石

唐七葉堂

見白居易詩映日堂在履道坊

唐九老堂

唐書白居易傳居易稱香山居士嘗與胡杲吉

鄭據劉真盧真張渾狄兼謨盧貞燕集皆高年不事者人慕之繪爲九老圖

李通志九老謂胡杲吉耽劉真台鄭

據盧慎張渾李元爽僧如滿并居易也

按唐書與通志所列九老不同通志乃據白傳自序以狄兼謨盧貞年未七十雖與會而不及列圖中無此兩人故不數唐書有狄兼謨盧貞而無李元爽如滿蓋據初會七人並與會二人數之實與九老繪圖不合考胡杲八十九吉耽八十八劉真八十七鄭據八十五盧真八十二張渾七十七居易七十四合之得五百八十二

居易詩二作四鵠又李元爽百三十六僧如滿九十六  
詩止七人未及數吉敢或作吉皎又作收劉真或作真

台或作貞台盧慎或作真狄兼謨或作狄並譽  
王世貞題九老圖又言洛社耆英可備異說

唐石經堂

李通志在府城內褚奐築朱伯賢有記

宋五知堂

宋史任布仕至樞密副使致仕歸洛作五知堂

謂知恩知道知命知足知幸也

宋耆英堂

李通志在府城東舊資聖院宋文彥博留守西

都慕唐九老乃集洛中公卿大夫年德齊者爲耆英會繪  
像堂中凡十三人文彥博富弼席汝言王尚恭趙丙劉几

馮行己楚建中王慎言張問張燾王君貺司馬光也

宋淵映堂

瀝水堂

湘膚堂

藥圃堂

見文潞公東園

宋竚瞻堂 季通志 洛人爲留守文彥博建彥博司馬光俱  
有記

宋還政堂 季通志 在府城宋富弼還政歸老時所建

宋紫筠堂 見富鄭公園 卧雲堂 四景堂

宋非非堂 李通志 在府城歐陽修有記

宋讀書堂 見溫公獨樂園 三農堂 尹和靖築

宋含碧堂 見董氏東園

宋涼堂

見劉給事園

宋百花堂

四并堂

桂堂

見湖園

金報恩堂

季通志 在洛川驛東金留守強伸建刻詔文于

石願以死自效云

元梅花堂 季通志在府治後以前有梅花六株故名世傳

王世充建元熊正德有記

元舒嘯堂

季通志在府城南伊水側元孫伯紹築

洛陽堂皇

洛陽記洛陽山中都亭堂皇大小屋五十間植

五果本竹柏之屬有五千七百一十九株

一作十五

洛陽

宮殿簿

洛陽有桃間堂皇奈間堂皇竹間堂皇李間堂皇

魚梁堂皇醴泉堂皇

淵鑑類函宮殿簿又有百戲堂皇

按淵鑑類函後漢胡建爲軍正斬監察御史於堂皇上堂無壁日皇

以上洛陽

宋燕堂

富鄭公記佐著作樂君宰福昌才於治劇法令罕

任一日得廳背露地誅叢薄作爲是室以納休燕 宜陽

唐盧鴻草堂

唐書隱逸傳盧鴻字顥然洛人徵諫議大夫

請還嵩山勅有司治宅鴻自名其所居曰草堂聚生徒講

習其中所著有十志

宋盡心堂

李通志在登封縣治宋縣令管景文建李家作

記

以上登封

明壽樂堂

通志在嵩縣崇臺上洪武元年指揮任亮守嵩

因仁智亭舊基構堂爲讀書講藝之所其址尚存 嵩縣

室

周藏室

史記列傳老子者周守藏室之史

漢織室

馬后紀置織室蠶于濯龍中數往觀視以爲娛樂

漢畫室

百官志畫室署長一人本注宦者主中宮別處

漢記室

百官志記室令史主上表章報書記

漢冰室

水經注東京賦注議門冰室門宣陽門內有宣陽

冰室周禮有冰人日在北陸而藏之西陸朝覲而出之冰

室舊在宣陽門內故名

漢避雷室

御龍室 楊龍驤洛陽記顯揚殿北有避雷室

西有御龍室

漢室名

洛陽宮殿名洛陽有望舒涼室含章鞠室靈芝鞠

室清涼暑室

漢石室

後漢書李固對策曰宜開石室陳圖書

漢廣室

陰興傳受頤命於雲臺廣室

後魏藏冰室

溫風室

柳藍記華林園海西有藏冰室六

月出冰以給百官海西南有景山殿東有義和嶺嶺上有

溫風室

按晉宮閣名洛陽  
宮內有羲和溫房

以上洛陽

晉慎終之室

晉書嵇含自號毫邱子門曰歸厚之門室曰

慎終之室

詳見人物

鞏縣

後魏冰室

水經注河水南對首陽山朝廷置冰室於斯阜

室內有冰井常以十二月採冰於河津之隘峽石之阿北

陰之中而內於井室

孟津

嵩山石室

嵩高山記山下巖中有石室中有自然經書自

然飲食

登封

河南府志卷之六十一 終

河南府志卷之六十二

古蹟志八

苑圃 園圃

苑圃

漢靈園

東京賦悉率百禽鳩諸靈園

按漢書注養鳥獸  
曰苑苑有垣曰圃

漢上林苑

明帝紀永平十五年冬車騎校獵上林苑

和

帝紀永元五年詔自京師離宮果園上林廣成園悉目假

貧民悉得悉捕不敗其稅

桓帝紀延熹元年幸上林苑

六年幸函谷關上林苑

靈帝紀光和五年校獵上林苑

歷面召羣遂狩於廣成苑

按楊賜傳注上林在洛陽西謂古洛陽也故方輿紀要謂上林苑在今府城東以古洛陽西猶今府城東也然據漢書則上林苑宜近函谷關在今府城西接新安界蓋廣成苑爲今嵩縣地若上林在今府城東則校獵上林罷宜直南歷伊闢至廣成不得云歷函谷關遂狩於廣成也

漢芳林苑

文選薛綜注洛陽圖經曰芳林苑名

漢西苑

順帝紀陽嘉元年起西苑修築宮殿

漢鴻德苑

東觀記延熹二年造鴻德苑置令秩六百石

漢顯揚苑

桓帝紀延熹二年造顯揚苑置丞

方輿紀要

顯揚苑在故洛陽城西中平六年袁紹等誅宦官董卓白顯揚苑急進至城西聞帝在北因與公卿奉迎北叩坂下

美平集卷一易陽專主名易言段名有平集也

漢東畢圭苑

西畢圭苑

靈帝紀光和三年作畢圭苑

〔注〕畢圭苑有二東畢圭苑周一千五百步中有魚梁臺西

畢圭苑周三千三百步並在洛陽宣平門外

〔方輿紀要〕

初平二年董卓逼車駕西遷卓留屯畢圭苑中是也

漢靈琨苑

〔楊賜傳〕代劉劭爲司徒帝欲作畢圭靈琨苑賜

上疏諫曰先帝之制左開鴻池右作上林不奢不約以合

禮中今猥規郊城之地以爲園囿壞沃衍廢田園驅居人

畜禽獸殆非所謂保赤之義今城外之苑已有五六可以

逞情意順四節也宜惟夏禹卑宮太宗露臺之意帝問任

芝樂松等曰無害遂令築苑

漢長利苑

高望苑

始昌苑

萬歲苑

漢平苑

按諸苑俱見玉海後漢  
苑名故洛陽舊志有之

漢菟苑

梁冀傳

多括林苑禁同王家西至宏農東界滎陽

南極魯陽北達河淇包含山藪遠帶邱荒周旋封域殆將  
千里又起菟苑於河南城西綿亘數十里發屬縣卒徒縛  
修樓觀數年迺成移檄所在調發生菟刻其毛曰爲識有  
犯者罪至死嘗有西域賈胡誤殺一菟坐死者十餘人

按人臣未有敢以苑名者冀橫如  
此故附入苑圖中以著其不臣

晉平樂苑

鹿子苑

桑梓苑

初學記

晉有平樂鹿子桑

梓諸苑並在洛陽

河南十二境瀆

洛陽城西有桑梓苑

隋西苑

大業雜記元年築西苑周二百里其內造十六院

屈曲周繞龍鱗渠一延光二明彩三合香四承華五凝輝  
六麗景七飛英八流芳九耀儀十結綺一百福十二善  
十三長春十四永樂十五清暑十六明德置四品夫人十  
六人各主一院庭植名花冬剪雜綵爲之色渝則改沼內  
冬月亦剪綵爲芰荷院門並臨龍鱗渠其外遊觀之處復  
有數十爲海周十餘里中有方丈蓬萊瀛洲諸山每月夜  
帝引宮人三五十騎開闔闕門入西苑歌管達曙作清夜  
遊曲數十首奏之

隋會通苑

兩京記東都苑隋曰會通又改爲芳華神都苑

周廻一百一十六里東面七十里南面三十九里西面五十里北面二十四里  
方輿紀要義寧二年唐世子建成等援東都軍于芳華苑東都開門不出李密出軍爭之小戰各引去

唐洛陽苑  
唐儉傳從太宗獵洛陽苑羣豕突由於林帝射四發輒殪四豕一豕躍及鐙儉投馬搏之帝拔劍斷豕顧笑曰天策長史不見上將擊賊耶何懼之甚對曰漢祖以馬上得之不以馬上治之陛下神武定四方豈復快心於一獸帝爲罷獵

唐禁苑

六典禁苑在皇都之西北拒北邙西至孝水南帶

洛水支渠穀洛二水會於其間周回二百二十六里中有  
合璧冷泉高山龍鱗翠微宿羽明德望春青城黃女陵波  
十有一宮芳林金谷二亭凝碧之池開元二十四年敕河  
南尹李適之修積翠上陽月陂

方輿紀要禁苑東距上

陽宮七里西面四門南曰迎秋次遊義次籠烟北靈溪苑  
中有三陂一積翠二月陂三上陽以穀洛二水泛溢故爲  
三陂以防之隋大業二年集四方散樂於東京閱之於芳  
華苑積翠池側貞觀十二年宴洛陽西苑泛積翠池十二年  
獵於洛陽苑開元二十年幸東都宴百官於上陽東洲天  
寶以後亦曰西苑建中四年李希烈以淮西叛圍鄭州游

騎西至彭婆留守鄭叔則入保西苑是也

按隋之西苑卽唐之禁苑隋西苑亦曰會通又改芳華  
唐禁苑又改神都隋十六院在苑中唐上陽宮亦在苑  
中但十六苑與上陽宮雖通得苑名而東連都城  
猶在苑東故方輿紀要謂禁苑東去上陽七里也

唐上苑

全唐詩註天授二年臘卿相欲詐稱花發請幸上

苑有所謀也許之尋疑有異圖乃遣使宣詔云明朝遊上  
苑火急報春知花須連夜發莫待曉風吹凌晨名花布苑  
羣臣咸服其異后之以術移唐祚如此

唐東都苑監

玉海永淳元年置東都苑總監未置以前隸

司農

百官志京師諸園苑苑四面監監各一人掌葺宮

館園池顯慶二年改青城宮監曰東都苑北面監明德宮

監曰東都苑南面監洛陽宮監曰東都苑東面監食貨監

曰東都苑西面監

以上洛陽

晉鹿苑

水經注晉後略曰成都王穎使吳人陸機爲前鋒

都督伐京師輕進爲治軍所處大敗於鹿苑人相登躡死於塹中及七里澗澗爲之滿

按鹿苑在古雒陽城東今故城東地  
盡隸偃師則鹿苑宜入偃師古蹟矣

白水苑

陶季直京邦記覆舟山周廻二十里許其下有林

號白水苑

按名勝志覆舟山在偃師今偃師西北山是已引京邦記謂白水苑在其下而不詳何代考玉海六朝苑名有

白水又不在北方且類函引書作  
陶季直名勝志作陶季述似有誤

以上偃師

唐興泰宮苑 淵鑑類函武后作興泰宮於萬安山盧藏用上疏曰陛下離宮別館多矣又窮人力以事土木臣恐議者以陛下爲不愛人而奉已也且頃歲穀雖頻登而百姓未有儲陛下巡幸訖靡休息斤斧之役歲月不空而又廣宮苑臣恐下未易堪

按淵鑑類函已采入苑園門中雖別無苑名而宮苑連稱爾時固自有苑也

宜陽

漢廣成苑

後漢帝紀安帝以廣成游獵地假與貧民順帝

永和四年幸廣成苑桓帝延熹元年校獵廣成六年校獵

廣成靈帝光和五年狩於廣成

郡國志河南新城有廣

成苑

鍾離意傳顯宗時爲尚書僕射車駕數幸廣成

苑意當車諫以爲從禽廢政天子卽時還宮

馬融傳鄧

太后臨朝鷙兄弟輔政而俗儒世士目爲文德可興武功宜廢遂寢蒐狩之禮息戰陳之法故猾賊從橫乘此無備

融乃感激上廣成頌以諷諫

嵩縣

園圃

莊附

漢濯龍園

百官志灌龍監一人本注灌龍亦園名近北宮

漢南園

百官志南園丞一人本注南園在洛水南

漢西園

東京賦歲惟仲冬大閑西園注西園上林苑拾

遺記靈帝初平三年遊於西園起裸遊館千間引渠水繞

砌周流澄澈乘船以遊使宮人執篙櫓盛暑奏招商之歌

以來涼氣歌曰涼風起兮日照渠青荷晝偃葉夜舒惟日不足樂有餘清絲流管歌玉鳧千年萬歲喜難踰渠中植蓮大如蓋長一丈南國所獻其葉夜舒晝卷一莖四蓮叢生名曰夜舒荷亦曰望舒荷帝避暑裸遊館宮人皆靚粧解上衣或共裸浴煮西域茵墀香爲湯以餘汁入渠名流香渠又作雞鳴堂醉迷天曉內侍競作雞鳴以亂真聲乃以炬燭投於殿前帝乃驚悟董卓亂後投燭處有光如星後人於其地立小屋名曰餘光祠

漢直里園

百官志直里監一人四百石注直里園在洛陽

城西南角

漢憲園

敬園

逍遙園

名勝志

洛陽記云漢憲園在縣

東北冲帝母虞美人拜憲園貴人卽此又有敬園安帝祖母朱貴人所居及逍遙園皆後漢時園也

漢霜林園

拾遺記

恒山獻巨桃霜下結花隆暑方熟亦曰

仙人所食明帝使植於霜林園園皆植寒菓積冰之節百  
菓方盛俗謂相陵與霜林聲謠也后曰王母之桃王公之  
瓜可得而食吾萬歲矣安可植乎后崩內侍者見鏡奩中  
有瓜桃核視之涕零疑非其類耳

漢沁水公主園

寶憲傳

憲恃宮掖聲勢遂目賤直請奪沁

水公主園田主逼讓不敢計後肅宗駕出過園指以問憲

憲陰喝不得對後發覺帝大怒召憲切責曰貴主尚見枉奪何況小人哉國家棄憲如孤雛腐鼠耳憲大震懼皇后爲毀服深謝良久乃得解使以田還主

漢梁冀園 梁冀傳廣開闢園採土築山十里九阪以象三嶠深林絕澗有若自然奇禽馴獸飛走其間

漢袁廣漢園

西京雜記茂陵富人袁廣漢藏鎰巨萬家僮

八九百人於北邙山下築園東西四里南北五里激流水注其內構石爲山高十餘丈連延數里養白鸚鵡紫鶯鷺

牝牛青兜奇獸怪禽委積其間積沙爲洲嶼激水爲波瀾奇樹異草靡不具植廣漢後有罪沒入爲官園

漢芙蓉園 述異記洛陽芙蓉園漢家置之

漢染園 漢官儀染園出支茜供染御服

魏芳林園 魏志明帝詔先帝時靈芝生芳林園中自吾建  
成承露以來甘露復降芳林園 魏略明帝起土山於芳  
林園西北陬使公卿僚皆負土成山立松竹雜木善草於  
其上捕山禽雜獸置其中

魏靈禽園 拾遺記明帝卽位二年起靈禽之園遠方所獻

異鳥珍獸皆畜此園昆明貢噉金鳥帝命畜之

五詳辟寒臺

晉瓊圃園 靈芝園石祠園 晉宮闕名洛陽有瓊圃靈

芝石祠園

晋芳蔬園 拾遺記咸寧四年立芳蔬園於金墉城東多種異菜名曰芸薇類有三種紫色者最繁味辛其根爛熳春夏葉密秋榮冬馥其實若珠五色隨時而盛一名芸芝其色紫爲上蔬其味辛色黃爲中蔬其味甘色青者爲下蔬其味鹹常以三蔬充御膳其葉可以藉飲食以供宗廟祭祀亦止人渴饑宮人採帶其莖葉香氣歷日不歇

晋華林園 後園

文選注

洛陽圖經曰華林園在城內東

北隅魏明帝起名芳林園齊王芳改爲華林于寶晉紀曰武帝泰始四年二月幸芳林園與羣臣宴賦詩

詩七月

正義晋宮闈名云華林園中有車下李

潘尼後園賦

論華林肄射後園

按方輿紀要言太和元年王朗言華林天淵足展遊晏則華林之名由來已久非始於齊王芳也可備一說

晉春王園

文選陸士衡詩逍遙春王園躡躅千畝田

注晉

宮閣名曰洛陽有春王園

晉金谷園

水經注穀水又東左會金谷水水出太白原東

南流歷金谷謂之金水東南流逕晉衛尉卿石崇之故居

石季倫金谷詩集敘余有別廬在河南界金谷澗中有清泉茂樹衆果竹柏藥草敝翳

通志在府城西十三里晉

石崇因川阜造園館自作詩序內有清涼臺卽其妾綠珠

墜樓處

按水經注記金谷園在千金堨下金墉城上千金堨在今府城東北九龍臺東卽古代龍渠也據是則金谷園當在今府城東而通志以爲在府城西十三里與水經注大異今攷府城西有金水卽李濂通志所謂金谷水水經注以爲離山水又於千金渠下別言金谷水今千金渠下更無所謂金谷水在府城東者恐水經注傳寫偶誤當以李濂通志爲確又按金谷二十四友首潘岳次石崇左思陸機陸雲郭彰劉琨歐陽建杜斌王粹鄒捷崔基劉環周恢陳駿劉訥繆徵摯虞諸葛詮和郁率秀許猛劉與杜育皆一時才俊潘金谷詩云投分寄石友白首同所歸後同卽刑乃知爲識

晉潘安仁園 晉書華廙旣廢黜武帝後又登凌雲臺望見廙覽王畿近周家園體以行和藥以勞宣

晉荀勗園 晉書華廙旣廢黜武帝後又登凌雲臺望見廙首荀勗園阡陌甚整依然感舊太康初大赦乃襲封

晉紫微園圃

拾遺記

懷帝末民間園圃皆生蒿棘元熙元

年太史令高堂忠奏熒惑犯紫微若不早避當無洛陽乃詔京邑諸宮觀林衛之內及民間園圃皆植紫薇以爲厭勝至劉石姚符之末此蒿棘不除自絕也

晉元圃園

文選陸士衡宴元圃宣猷堂詩

注楊佺期洛陽

記曰東宮之北曰元圃園

晉魏仁溥園

周氏牡丹記魏花出晉相魏仁溥園中

後魏西遊園

伽藍記

千秋門內道北有西遊園

後魏百果園

伽藍記

華林園景陽山山南有百果園果列

作林林各有堂有仙人棗長五寸把之兩頭俱出核細如

漢書  
鍼霜降乃熟食之甚美俗傳云出崑崙山一曰西王母棗  
又有仙人桃其色赤表裏照徹得嚴霜乃熟亦出崑崐山  
一日王母桃

後魏西林園

胡后傳肅宗朝太后於西林園讌文武侍臣

飲至日暮

隋華林園

大業雜記出土東門東十二里有亭子宮宮東

臨積潤池地東三十里有華林園

按隋移都河南出土東門計三十餘里  
爲華林園猶是古洛陽魏晉舊園也

隋平樂園 大業雜記車駕幸江都發藻澗日暮宿平樂園

唐東御園

西御園 名勝志唐東御園名獅子園西御園

名榆柳園

唐富春園

通志在府城東唐元稹白居易有詩

唐歸仁園

通志在府城舊歸仁坊因名唐相牛僧孺置宋

相李昉翔亭其中

唐婁師德園

淵鑑類函汝南袁師德故給事高之子嘗於

東都買得婁師德故地起書樓洛人語曰昔日婁師德園

今乃袁師德樓

唐太平公主園

通志在府城積德坊見京洛朝市圖

唐白居易園

樂天池上篇罷杭州刺史時得天竺石一華

亭鶴二以歸始住西平橋開環池路罷蘇州刺史時得大

湖石白蓮折腰菱青板舫以歸又作中高橋通三萬徑罷  
刑部侍郎時有粟千斛書一車泊城獲之習筦磬絃歌者  
指百以歸先是潁川陳孝山與釀法酒味甚佳博陵崔晦

叔與堦韵甚清蜀客姜發授秋思聲甚淡宏農楊貞一與

青石三方長平滑可以坐卧凡三任所得四人所與洎吾

不才身今率爲池中物矣其詞曰十畝之宅五畝之園云

隋唐官園名園記洛陽有嘉猷會節恭安溪園皆隋唐官

園

宋會節園

玉海開寶九年車駕在西京幸會節園召從臣

張樂宴飲景德四年宴近臣於會節園命帥臣內藏飲射

宋永芳園

王海景德四年駐蹕西京宴宗室於永芳園十

五年幸會節園又幸仁浦園

宋富鄭公園

洛陽名園記

洛陽園池多因隋唐之舊獨富

鄭公園最爲近闢而景物最勝鄭公自還政歸第  
一切謝

賓客燕息此園幾二十年亭臺花木皆出其目營心匠故

逶迤衡直闡爽深密皆曲有奧思

餘詳藝文下凡入各園記者同此

宋董氏西園

董氏東園

名園記董氏以財雄洛陽元豐

中沙縣官錢糧盡籍入田宅城中二園因華穢不治

宋環溪園

名園記環溪王開府宅園甚潔

宋劉氏園

名園記劉給事園涼堂高卑制度適懷到人意

有知木經者見之且云近世建造率務曠竚故居者不便而易壞惟此堂正與法合

宋叢春園

名園記

門下侍郎晏公買於尹氏界寂而喬木

森然桐梓檜柏皆就行列有叢春亭先春亭北可望洛水

宋天王院花園子

名園記

無他池亭獨有牡丹數十萬本

宋歸在園

見前

宋王溥園

苗帥園

趙氏園

名園記

節度使苗侯旣貴

卜居河南最佳處得開寶宰相王溥園有憑陵諸園之意

然猶未盡得王丞相故園水東爲直龍圖閣趙氏所得亦

大湖第宅園池

宋趙韓王園 名園記趙韓王宅園國初詔將作營治故其  
經畫制作殆侔禁省

宋李氏仁豐園 名園記甘露院東李氏園洛中花木無不  
有中有四并迎翠灑纓觀德超然五亭

宋吳氏園 名園記在唐爲袁象先園本朝屬李文定公丞

相今爲吳氏園有松島數百年松也其東南隅雙松尤奇

宋文潞公東園 名園記本藥圃地薄東城水渺瀰甚廣淵  
映瀍水二堂宛宛在水中湘膚藥圃二堂間列水石

宋紫金臺張氏園 名園記自東園並城而北亦繞水而富

竹林有亭西

宋胡氏二園，名園記。水北胡氏二園相距十許步，在邙山之麓。纏水經其旁，穿二土室深百餘尺，堅完如埏埴。有臺榭，花木率在二室東，但其亭臺之名皆不足載。

宋會隱園，名園記。大字寺園，唐白樂天園也。今張氏得其半，爲會隱園。水竹尚甲洛陽。

宋獨樂園，名園記。溫公獨樂園卑小，不可與他園班。讀書堂僅數十椽，澆花亭益小，弄水種竹尤小。見山臺高不過尋丈，釣魚菴採藥圃，又特結竹梢落蕃蔓草爲之。其所以爲人欣慕者，不在於園耳。

按元城語錄：溫公營獨樂園，丁呂直性愚公以直名之。蓋時人遊園，丁得茶湯錢十千，因與主人分之。

之顧曰只端明不愛錢者後十許日公日受十千所創也

宋湖園

名園記

洛人云園圃之勝不能相兼者六務宏大

者少幽邃人力勝者少蒼古多水泉者難眺望兼此六者

惟湖園而已予嘗游之信然在唐爲裴晉公宅園圃有百  
花洲四并堂桂堂迎暉亭梅臺知止菴環翠亭翠樾軒

宋呂文穆園

名園記

呂文穆園在伊水上流木茂而竹盛

有亭三二在池中二在池外橋跨池上相屬也

宋楊侍郎園

名園記

楊侍郎流杯水雖急不旁觸爲異

宋師子園

名園記

師子園師子非石也入地數十尺或以

地攷之益武帝銷鑠不盡者也

宋李氏園 蘇子由記 李侯家世名將謝居洛陽引水植竹求山谷之樂雖洛陽大家世族未易以園圃相高也

宋靳氏園

周氏牡丹記 靳黃出靳氏之圃在姚黃之前

宋閔氏圃

牡丹記 閔黃類甘草黃出閔氏之圃

宋銀李圃

牡丹記 女真黃二色紅元豐中並出銀李園中

大尹潞公見而賞異之命令名洗妝紅亦生銀李圃山麓中劉公伯壽見而愛之命令名

宋袁氏圃

牡丹記 戲金樓子雖魏花不及生袁氏圃

宋神御花圃

牡丹記 雙頭紅雙頭紫皆並蒂如鞍而不相

連屬惟應天院神御花圃中有之

唐午橋莊 宋史張齊賢傳齊賢歸洛得裴度午橋莊有池  
榭松竹之盛日與親舊觴詠其間 窮幽記裴晉公午橋  
莊小兒坡茂草盈里晉公每使數羣羊散於坡上曰芳艸  
多情賴此粧點

唐平泉莊

廁談錄

李相國宅平泉莊去洛城三十里卉木

臺榭若造仙府有虛檻對引泉水縈廻穿鑿像巴峽洞庭  
十二峯九派迄於海門皆隱隱見雲霞龍鳳草樹之形人  
有題平泉詩曰隴右諸侯供語鳥曰南太守送名花 賈  
氏談錄賀皇公平泉莊周圍十里構臺榭百餘所今基址

猶存天下奇花異艸珍松怪石靡不畢致其間故德裕自  
製平泉艸木記今悉蕪紀唯鴈翅檜珠子栢蓮房玉藻等  
蓋僅有存焉怪石名品甚衆多爲洛城有力者取去唯禮  
星石及獅子石今爲陶學士徙置梨園別墅

河南志河

南長殿南有婆娑亭貯奇石處世傳李德裕醒酒石以水  
沃之有林木自然之狀今謂婆娑石蓋以樹名

按雲林石譜平泉石出自關中產於水每獲一奇皆鐫  
有道二字余於頴昌杜欽益家賞一石雙峰高下無嵌  
空器寶磨礲光潤而青堅於石罅中鐫有道二字又平  
泉醒酒石爲玉清昭應宮所取昭應焚仁廟裂其地陽  
濮潞潭越韓冀王冀之子丹陽郡人每節得其園地發  
土得巧石前後幾萬塊多奇偉擎至醒酒石居其一上  
有文饒刻字云鑿玉抱青輝閒庭日瀟灑塊然天地間

其石盤禁中後丹陽裔孫密訪醞酒所在  
云今置石殿中矣見張右丞徵澹岩集

宋大隱莊 洛陽名園記大隱莊梅蓋早梅香甚烈而大說  
者云自大庾嶺移其本至此      以上俱洛陽

河南府志卷之六十二終



河南府志卷之六十三

古蹟志九

亭 館 池 軒 齋 廐

亭

漢都亭

張綱傳漢安元年選遣八使徇行風俗皆耆儒知

名多歷顯位唯綱年少官次最微餘人受命之部而綱獨埋其車輪於洛陽都亭曰豺狼當路安問狐狸

按釋名亭停也人所停集也風俗通春秋國語有寓望謂今亭也民所安定也亭有樓從高省丁聲也漢家因秦大率十里一亭亭留也今語有亭待蓋行旅宿食之所館也亭亦平也民有訟靜吏留辨處勿失其正也據此則亭有數義其別爲驛亭爲市亭爲街亭爲門亭其居人多卽以名其里曰某亭如都亭者驛亭也旗亭者市亭也漢官典職謂衙一亭門一亭者街亭門亭也百官志謂十里一亭有亭長亦謂驛亭其居人多南召種

亭前亭者所謂鄉亭也秦漢所謂亭者類如此清唐以後乃爲園亭專稱雖取古人高軒望遠之義然有異勝之趣非復同矣之舊其事絕不相侔今列亭於園圃後而並取街郵諸亭以類相從亦謂有自來矣

漢街亭 門亭

漢官典職 洛陽二十四街街一亭十二城

門門一亭

漢萬壽亭

李固傳 夏門亭長

注 洛陽北面西頭門外有萬

壽亭

董宣傳

湖陽公主蒼頭殺人宣于夏門亭格殺之

漢前亭

栢亭

士鄉亭

郡國志

雒陽有前亭

五詳都邑

郡國志注 河南城西南有栢亭

馮異傳 與武勃戰與士

鄉下注亭名

漢宣德亭

五行志 楊嘉二年六月雒陽宣德亭地拆近郊

地李固對策曰爲陰類專恣將有分離之象

漢富壽亭

通志在府城西北三十七里明帝顯后陵在此

按通志誤當云  
在府城東北

漢阿亭

靈帝紀光和五年起四百尺觀於阿亭

漢夕陽亭

楊震傳耿寶奏震懷恚望有詔遣歸本郡震行

至城西夕陽亭飲釀而卒

按魏畧楊沛身退之後家無餘積後占河南夕陽亭部  
苑田二頃起蝸牛廬居止其中妻子凍餓晉書賈充旣  
外出白以爲失職深銜任愷計無所從將之  
百僚餞於夕陽亭其亭歷魏晉皆行漢舊也

漢安陽亭

王渙傳渙爲洛陽令以平正居身得寬猛之宜

漢卒民思其德爲立祠安陽亭西每祀輒絃歌而薦之

晉旗亭

伽藍記建陽里有土臺高三丈此臺是中朝旗亭

也上有二層樓懸鼓擊之以罷市

晉華陽亭

嵇康傳康游洛西宿華陽亭引琴而彈夜分忽

有客詣之稱是古人與康共談音律因索琴彈之而爲廣

陵散聲調絕倫遂以授康

後魏臨澗亭

伽藍記華林園清暑殿東有臨澗亭

後魏東亭

楊昇傳王肅出頓洛陽東亭諸王送別昇伯父

播同在餞席北海王詳與播競理不爲屈北海顧謂昇曰

尊伯性剛不伏理大不如尊使君對曰昇父道隆則從其

隆道洿則從其洿伯父剛則不吐柔亦不茹一坐嘆服

隋逍遙亭

大業雜記

西苑有逍遙亭四面合成結構之麗

冠絕今古

隋聞風亭

翠微亭

大業雜記

甘泉宮中  
有聞風亭青蓮

峯上有翠微亭遊賞之美於斯爲最

隋洛浦亭

見隋歷代亭名

唐含象亭

翰林盛事

開元中拜張說等十八人爲學士於

東都上陽宮含象亭圖寫御贊述之

翰林志開元中張

說等十七人寫真含象亭御製贊

王海十八學士張說

知院徐堅爲副賀知章陸堅趙東曠咸廩業韋述李子釗

陸去泰呂向母舅余欽趙元默孫季良康子元侯行渠敬

會真馮朝隱一有東方顥  
集賢注記張燕公等獻所賦  
詩上各賜贊以褒美自於五色箋八分書之

按翰林盛事記開元十八學士翰林志止十七人贊無  
陸堅馮朝隱玉海列十八學士有馮陸而無東方顥豈  
獻詩賜贊時止十七人與然攷唐書惟康子元陸堅賀  
知章三人傳中言帝賜贊他學士傳皆無聞陸堅在十  
七人贊外而傳稱賜贊是陸堅有贊也馮朝隱亦在十  
七人贊外而翰林盛事第五有馮朝隱同賜御贊是朝  
隱亦有贊也合之凡十九人而世但傳十八學士十七  
人贊何哉附贊張說德重和潤功踰濟川詞林秀色翰  
苑光鮮徐堅校書天祿論經上庠英詞婉麗雄辨抑揚  
賀知章禮樂之司文章之苑學優藝博才高思遠趙冬  
曦白簡端嚴青史良直清詞雅韻博文強識康子元才  
識清遠言談幽秘四科文學六書仁義俟行果洪鍾佞性  
叩明鑑不疲理窮繫彖動中威儀韋述職參山甫業纂  
元成六義述作四始飛英敬會真名乃會真迹惟契道  
軀衣講習臨庭振藻趙元默才比邱明學兼儒墨敘述  
數施傳論道貫方顏也蓋天縱門開才子足開

六藝

斯齊季子鉉于水流處指樹贈方諷諫遺缺微

篇章

呂向族茂非能才高班馬考理篇籍抑揚風雅毋

獎軒墀之任諫諍之職聞詩聞禮有才有識

陸去泰才光於晉賀重於張州縣斯屈文翰尤長咸廣業郁郁高

文英才博識持我刑憲是稱諫直余欽文章兩瞻才術

兼美思在專經學通舊史孫季良蓬山之秀芸閣之英

雄詞卓傑

雅思縱橫

九洲亭

見前平泉莊

唐曜掌亭

南京雜記東京上陽宮有曜掌二亭

唐金谷亭

南京雜記東都苑內有金谷亭芳林亭見前禁苑

唐迎暉亭

環翠亭名園記裴晉公園有二亭

唐婆娑亭

見前平泉莊

唐琴亭

中島亭白居易池上篇雖有賓朋無琴酒不能

娛也乃作池西琴亭加石樽焉酒酣琴罷又命樂童登中

島亭合奏霓裳散序聲隨風飄或凝或散悠揚於竹烟波  
月之際者久之曲未竟而樂天陶然已醉睡於石上矣

唐洛陽河亭

〔通志〕李益有詩離亭餞落暉酒減征衣歲  
晚烟霞重川寒雲樹微戎裝千里至舊路十年歸遠似汀  
洲雁相逢又背飛

後唐士和亭〔明宗家人傳〕明宗幸宮西士和亭

宋淑景亭〔玉海〕國史志西京內園有長春殿淑景亭

宋羣芳亭 四照亭 禔飲亭 僊蓋亭 簪簪亭

〔通志〕

俱在洛陽歸德坊宋向拱以宅獻內有此五亭見朝市圖

宋餧瓜亭 〔通志〕在府城南下臨伊水宋呂蒙正徵時過此

見賣瓜者心欲噉之其人偶遺一枚于地蒙正取食之後作相建亭于此以餧瓜名示不忘貧賤也

宋叢翠亭

通志在府城歐陽修有記

按歐陽記李君治亭敞其南北嚮以望見山之連者峯者岫者絡繹聯亘卑相附高相摩亭然起淖然止來而向去而背頽崖惟壑若奔若蹲若鬪若倚世所傳嵩陽三十六峯者皆可以坐而數之因取其蒼翠叢列之好遂以叢翠名亭夫居洛陽而見蒼翠叢列者西南爲秦山宜陽諸峯東南爲玉泉萬安半石大穴以連嵩少嵩少在百里外望之與玉泉作連峯勢不能別所謂三十六峯者而永叔謂可坐而數之又似合玉泉萬安東連嵩少以應三十六峯之數古人爲文活脫不滯如此

宋探春亭

方流亭

蔭樾亭

叢玉亭

披風亭

漪嵐

亭  
夾竹亭

兼山亭

見名園記

富鄭公園

宋流杯亭

寸碧亭

董氏東園

華亭

錦廳

環溪王開府園

宋叢春亭

先春亭

業春園

李侍郎亭

歸仁園

宋四并亭

迎翠亭

濯纓亭

觀德亭

超然亭

仁豐園

宋澆花亭

獨樂園

環翠亭

湖閣

金伊川亭

通志在伊水上金司諫許古致仕居伊陽郡守

爲建此亭

今伊陽隸汝州

以上洛陽

湯亭

水經注班固曰尸鄉故殷湯所都者也亦曰湯亭

按杜預謂舞陽縣西南有湯亭蓋

晉時地入舞陽也今在舞陽縣西

劉亭

左傳杜注緜氏西北有劉亭

望仙亭

通志在偃師縣仙居保昔仙人王子晉昇於緜氏

山居人於此建亭望之

以上偃師

黃亭

水經注<sub>晉</sub>城北三里有黃亭

鞏縣

漢臨平亭

水經<sub>河水又逕臨平亭北</sub>

注<sub>帝王世紀</sub>光武葬

臨平亭南西望平陰者也

孟津

烟霞亭 壽安亭

通志俱在宜陽縣錦屏山元建 宜陽

漢萬歲亭

通志在登封縣西北漢武帝元封元年登太室

聞山呼萬歲者三因以名亭

楊烟少姨廟碑序餘基隱

嶙仍知萬歲之亭古木摧殘尚辨三花之樹

負黍亭 涅陽亭 武林亭

俱見水經注詳都邑

唐櫂翠亭

避暑錄盧鴻草堂圖余往有慶歷中摹本亦名

手精妙爲賀方回取去當時在許昌得講洞霄思卜築于

此山下視圖中草堂樾館枕烟磴羃翠亭等渺然若不可

及

盧鴻當作盧鴻乙羃翠  
亭別本俱作羃翠廳

唐襄荷亭

嵩山志張說有嵩山襄荷亭侍宴詩

考燕公集無嵩山字

宋奕基亭

携蒲亭泛觴亭

元梁宜崇福宮碑三亭尚

存芝和亭

甘泉亭

嵩書亦宋崇福宮內之亭甘泉

在崇福宮後今爲白龍廟

以上登封

漢金門亭

方輿紀要漢延熹二年以誅梁冀功封尚書令

李璋爲金門亭侯卽此處

舊屬宜陽今爲永寧

永寧

漢潛亭

通志在新安縣漢書云瀝水出潛亭北

按漢書潛作晉書皆今考其北入孟津界李濂作志時猶屬新安

唐鄭氏東亭  
工部集有題鄭氏東亭詩原注在新安界鮑

云卽駙馬鄭潛曜

新安

晉千秋亭  
潘岳序元康二年之長安次於新安之千秋亭

按水經注千秋亭舊屬新安今入澠池互詳都邑下

澠池

水心亭  
通志在嵩縣東北新店南望九臯東臨伊浦

嵩縣

館

漢平樂館  
季尤平樂館銘乃興平樂宏敞麗光層樓通閣

禁闈洞房禁梁照曜朱華飾當騁武舒秘以示幽荒如榮

普覆然後來王  
曹子建詩歸來宴平樂美酒斗十千

按平樂或名觀或名館或々  
苑寶一地也互詳各門中

漢繭館 後漢禮儀志注桑于蠶宮手三盆于繭館 傅毅

洛都賦桑宮繭館區制有矩后帥九嬪躬勑工女

漢祕館 賈逵傳明左氏傳國語爲之解詁五十一篇永平

中上疏獻之顯宗寫藏祕館 蔡邕傳上書曰臣得以學

問執事祕館操管御前

漢恭館 班固典引啟恭館之金縢御東序之祕寶以流其

占注恭館宗廟金縢之所在

漢裸遊館 拾遺記靈帝初平三年遊於西園起裸遊館千

間采綠苔而被堦引渠水以繞砌周流澄澈乘船以遊

使宮人乘之

魏崇文館 唐六典注 魏有崇文館

魏元武館 水經注 魏氏起元武館於芒垂張景陽元武觀賦所謂高樓特起竦跱岩堯直亭亭以孤立延千里之清飈也

按水經注於平縣下記元武觀則其地宜人孟津乃曰芒垂近首陽則其地又似在偃師今其地不可確指考  
魏志高貴鄉公初入至元武館羣臣奏請舍前殿則其地宜近古洛陽北邙山上也故入洛陽

魏渭陽館 世說魏明帝爲外祖母築館於甄氏旣成自行視謂左右曰館當以何爲名侍中繆襲曰陛下聖恩齊於哲王閭極過於曾閔此館之興情鍾舅氏宜以渭陽爲名

晉東都館 天中記 潘尼賦東都館者蓋東武楊侯之館也  
俄而遷居謂余曰吾將老焉故有終焉之心而無移易之意子且爲我賦之

後魏四夷館

伽藍記伊洛之間夾御道有四夷館

詳後都城南宅里

後魏仙人館

寒露館

伽藍記華林園大海內作蓬萊山

山上有仙人館海西南有景山殿山西有姮娥峰峰上有

寒露館並飛閣相通凌山跨谷

後魏迎風館

伽藍記河間王琛造迎風館於後園窻戶之上

上列錢青鎖玉鳳銜鈴金龍吐珮素奈朱李枝條入簷伎

女樓上坐而摘食

後魏望德館

見後邢轡宅

儒林館

見後都城西宅里

隋學士館

大業雜記入景運門有學士館

隋四方館

六典注隋於建國門外置四方館以待四方使

客各掌其方國及互市等

按姚崇傳元宗詔徙姚崇寓四方館崇以館局華大不敢居上曰設四方館爲官吏也使卿居之爲社稷也所謂四方館者在唐京師非隋東都之四方館也舊洛志誤入失實矣

唐史館

玉海今之史館卽古之東觀別置史館通籍禁門

西京則與鸞渚爲鄰東都則與鳳池相接

按南京記門下省東有宏文館次東史館據玉海則唐之西京東都皆有史館矣

唐防秋館 尚書故實東都墳年造防秋館穿掘多得蔡邕

鴻都學所書石經後洛中人家往往有之 以上洛陽

漢緜氏仙人館 天中記元開闢公孫卿侯神河南言見偃

人迹緜氏城可爲館如緜氏城置脯棗神人宜可致

水

經注緜氏城有仙人祠

偃師

周洛汭館 春秋昭元年傳天王使劉定公勞趙孟於穎館

於洛汭劉子曰美哉禹功明德遠矣微禹吾其魚乎吾與  
子弁冕端委以治民臨諸侯禹之力也子盍亦遠續禹功

而大庇民乎

鞏縣

古三仙館 顏開府溫泉碑嵩山三仙之館不獨擅於天池

唐樾館

蘆鴻乙草堂十志

樾館者蓋卽林取材基巔拓架

以加茅茨居不期逸爲不至勞清談娛賓斯爲尚矣

宋溫公別館

避暑錄溫公居洛遊嵩山疊石溪樂之復買

地於旁以爲別館然每至不過數日卽歸有暫來還似客

歸去不成家之句嘗携邵堯夫來遊詩曰石下泉聲蔓草  
深石上露濃蒼苔遍山鳥驚起飛且鳴葉墜空林人不見  
康節詩曰兩轡並遊疊石溪斷崖還令與雲齊飛泉亦有

留人意肯負他年到此棲

按疊石溪在登封縣北名勝志入宜陽縣

以上登封

池

漢濯龍池

王海薛綜注洛陽圖經曰濯龍池名故歌曰濯

龍望如海河漢渡似雷

漢靈芝池

九龍池

水經注穀水枝流入石迺伏流注靈

芝九龍池魏太和中皇都遷洛陽經構宮極修理街渠務

窮幽隱發石視之嘗無毀壞又石工細密非今之所擬亦

奇爲精至也

漢御龍池

白石池

天泉池

初學記

東漢有御龍三池

魏靈芝池

文帝紀黃初三年十一月穿靈芝池四年五月

鶼鷀集池上詔曰詩人所謂汙澤也曹詩刺共公遠君子

而近小人豈有賢智之士處於下位乎否則斯鳥何爲至

至其博舉俊德茂才獨行君子以答曹人之刺

晉宮閣

記靈芝池有鳴鶴舟指南舟

天淵池

文帝紀黃初五年穿天淵池

水經注天淵池

在洛陽池中有魏文帝九花叢殿

宋志魏明帝天淵

池南設流杯石溝燕羣臣

晉宮閣記天淵池有升進曜

陽飛龍射獵舟

魏芙蓉池

文選魏文帝芙蓉池作詩乘輦夜行遊逍遙步

西園

魏濛汜池

李通志魏明帝于宮西鑿池以通御溝義取日

入濛汜爲名

魏文學池

見洛陽志

魏流杯池

幽泉池 陰流池 鳴鶴池

初學記 魏在洛

有天泉

卽天淵流杯幽泉陰流鳴鶴池

晉東宮池

水經注 天淵池東流汙于洛陽縣之南池池卽

故狄泉也

後遂爲東宮池晉中州記曰惠帝爲太子出聞

蝦蟆聲

問人爲是官蝦蟆私蝦蟆侍臣賈脩對曰在官地

爲官蝦蟆

在私地爲私蝦蟆令曰若官蝦蟆可給廩先是

有識云

蝦蟆當貴昔晉朝收愍懷太子於後池卽是池也

按水經注引文士傳文帝宴諸文學甄后拜坐劉楨平觀太祖以爲不敬送徒隸簿後見楨磨石間之楨對云云復爲文學蓋因華林隸簿而及此事文學下接池水又東云云洛志誤以文學池爲句遂生一池名謬甚

天泉池

晉書禮志漢儀季春上巳官及百姓皆禊於東流水上自魏以後但用三日不以上已晉中朝公卿以下

至於庶人皆禊洛水之側趙王倫篡位三日會天泉池誅

張林懷帝亦會天泉池賦詩陸機云天泉池南石溝引御

水池西積石爲禊堂本水流杯飲酒亦不言曲水後元

帝乃於鍾山立曲水延百僚

晉書起居注三月三日臨流

杯池

晉池名

初學記

西晉有舍利池都亭池靈芝池濛汜池潛

靈池

舊洛志作濛陂池

晉張載濛汜池賦激通渠於

千池承瀍洛之長川

後魏洗煩池 魏書任城王澄傳車駕還洛引見王公侍臣

之洗煩池高祖曰此池中亦有嘉魚澄曰此所謂魚在在

藻有頌其首高祖曰且取王在靈沼於物魚躍

後魏流化池 北史李彪傳帝宴羣臣于流化池

後魏元武池 伽藍記華林園中山北有元武池

後魏流觴池 伽藍記華林園奈林西都堂有流觴池堂東

有扶桑海皆有石竇流於地下西通穀水東連陽渠亦與  
翟泉相連若旱魃爲害穀水注之不竭離畢滂潤陽穀當作渠  
渠泄之不盈至於鱗甲異品羽毛殊類濯波浮浪如似自

然也

後魏昭儀寺池 伽藍記昭儀寺有池京師學徒謂之翟泉

非也隱士趙逸云此地是晉侍中石崇家池

後魏漾水池

水經注

高視當作高歡

常以避暑爲漾水池一所

在金墉

後魏咸池

伽藍記

光寶寺園中有一海號咸池葭葦被岸

菱荷覆水青松翠竹羅生其傍京邑士子至於良辰美日  
休沐告歸徵友命朋來遊此寺雲車接軫羽蓋成陰或置

酒林泉題詩花圃折藕浮瓜以爲興適

後魏鴻鴈池

初學記

後魏有鴻鴈池

隋積翠池

玉海

隋閱散樂於東都芳華苑積翠池側又樊

予蓋陪宴積翠池

隋積潤池

大業雜記亭子宮東臨積潤池

隋曲水池

大業雜記西苑有曲水池其間有曲水殿上已

禊飲之所

隋金龍池

李通志在府城東北池南有看花臺脇李密築

唐積翠池

魏徵傳太宗宴羣臣積翠池酣樂賦詩徵賦西

漢其卒章曰終藉叔孫禮方知皇帝尊帝曰徵言未嘗不

約我以禮

通鑑貞觀十一年三月庚子上宴洛陽宮西

苑泛積翠池謂侍臣以隋爲戒

唐凝碧池

本典東都禁苑有凝碧之池

唐九州池

東京記 東都城有九州池在仁智殿之南歸善

門之西其池曲象東海之洲居地十頃水深丈餘魚鳥翔

泳花卉羅植

國史志 內園有九江池

唐杏園池

白居易楊柳枝詩 黃遮金谷岸綠映杏園池

唐平津池

白居易裴侍中集賢林亭詩 三江路千里五湖

天一涯何如集賢地中有平津池

宋醒酒池

名園記 董氏東園有大池中爲堂榜之曰含碧

水四面噴瀉池中而陰出之故朝夕如飛瀑而池不溢洛人盛醉者走登其堂輒醒故俗自曰醒酒池

以上洛陽

漢鴻池

安帝紀 永初二年三月癸卯詔以鴻池獮貸貧民

趙典傳咸帝時侍中帝欲開瀆鴻池典諫曰鴻池泛濶已且百頃猶復增而深之非所以崇唐虞之約已遵孝文之愛人也帝納其言而止

水經注穀水又東注鴻池陂

百官志曰鴻池池名也在洛陽東二十里丞一人二百石池東西千步南北平一百步四周有塘池中又有東西橫塘水溜逕通故李尤鴻池陂銘曰鴻澤之陂聖王所規開

水東注出自城池也

按鴻池在洛陽東二十里謂古洛陽也今其地當人偃師

偃師

後魏蒲池水經注羅水西北流蒲池水注之水出南蒲陂

西北流合羅水

鞏縣

古洗耳池

逸士傳巢父聞堯禪由乃洗其耳

池濱樊堅方

欽其牛乃驅去之

曹子建三士贊池主是讓以水爲濁

古天池

見前三仙館

北魏京兆王池

嵩山志峻極峯西北有池鑿於北魏京兆

王太興

以上登封

東亭池

杜工部集重過鄭氏東亭詩原注在新安界詩見

藝文

新安

漢彭池

水經注漢景帝三年初徙萬戶爲因靖滻之池以

目縣焉亦或謂之彭池

唐天池

唐書太宗紀貞觀十八年十月己巳獵於天池

按方輿紀要  
天池在漑池

以上漑池

軒

宋竹軒 却掃編 西京一僧院後有竹林文潞公大愛之僧具榜乞命名携歸數日思一佳名未得後半載題曰竹軒語雖質不可破也

宋重波軒 名園記 富鄭公園自其第東出探春亭登四景堂則一園之景勝可顧覽而得南渡通津橋上方流亭望紫筠堂而還右旋花木中有百餘步走蔭樾亭賞幽臺抵重波軒而止

宋種竹軒 名園記獨樂園弄水種竹軒者尤小

宋翠樾軒 名園記湖園渺渺重邃猶擅花艸之盛而前據

池亭之勝者翠樾軒也

以上洛陽

齋

梁蕭齋 杜陽雜編梁武帝造寺蕭子雲飛白大書一蕭字

後李約自江南竭財買歸東洛建一小室玩之號蕭齋

宋六有齋 洛舊志尹和靖先生建取張橫渠言有教動有

法畫有爲宵有得瞬有養息有存之義 以上洛陽

庵

宋花庵 李通志在府城內司馬光於解舍東作以爲休息

之所

宋釣魚庵

名園記獨樂園有曰釣魚庵者特結竹杪落葦

蔓艸爲之爾

宋學古庵

名園記胡氏園有庵在松檜藤葛之中闢旁牖

則臺之所見亦畢陳于前避松檜騫藤葛的然與人目相

會而名之曰學古庵

宋知止庵

名園記湖園內過橫池披林莽循曲徑而後得

者梅臺知止庵也

以上洛陽

宋吏隱庵

李通志吏隱庵在登封縣宋龐元常隱嵩山築

此

宋張樞密庵

宋史張昇以樞密使請告結庵於嵩陽紫虛

谷每晨起焚香讀華嚴庵中無長物布被草履而已年八

十餘卒謚曰康節

以上登封

河南府志卷之六十二終

獨樂府志

名卷之

河南府志卷之六十四

古蹟志十

宅里一

府署坊街並載

漢迄後魏都城內宅里府署

仰藍記宮前闢闔門前御道

東有左衛府府南有司徒府府東有大將軍高肇宅北連  
義井里府南有國子學堂國子南有宗正寺寺南有太廟  
廟有護軍府府南有衣冠里闢闔門前御道西有右衛府  
府南有太尉府西對永康里南界昭元曹北隣御史臺南  
有將作曹曹南九級府府南有太社社南有凌陰里卽四  
朝時藏冰處也

西陽門內御道北謂延年里劉騰宅東有太僕寺寺東有

乘黃署署東有武庫署卽魏相國司馬文王府武庫東至

閭闔門

此爲宮南閭闔門

長秋寺亦在延年里卽晉中朝時金市

處寺北有漾汜池夏則有水冬則竭西陽門內有永康里

內復有領軍將軍元義宅掘故井得石銘云是漢太尉荀

或宅

閭闔門內御道北有瑤光寺東去千秋門一里千秋門內

道北有西遊園中有凌雲臺魏文帝所築瑤光寺北有承

明門有金墉城魏時所築城東有洛陽小城永嘉中所築

城東北角有魏文帝百尺樓

按此所謂闔闔門者卽水經所謂漢之上西門也上所謂宮前闔闔門者乃水經注所謂改雜門爲闔闔門也

東陽門內御道北太倉導官二署東南治粟里倉司官屬住其內東陽門內御道南昭儀尼寺寺有池京師學徒謂之翟泉杜預云翟泉在晉太倉西南按晉太倉在建春門內今太倉在東陽門內此地今在太倉西南明非翟泉也隱士趙逸云此地是晉侍中石崇家池池西南有愿會寺中書舍人王翊宅捨爲寺寺南有宜壽里內有苞信縣令

### 段暉宅

按水經注辨狄泉有二處一爲洛陽縣之南池在建春門內洛陽城東北步廣里狄泉所在不得於太倉西南後爲東宮池一爲太倉西南在東陽門內杜元凱所謂狄泉今無水坎方九丈六尺深二丈餘似是人功不類

泉坡注前所謂伽藍記所謂晉太倉也注後所謂伽藍記所謂今太倉也二書互相發明

青陽門內御道北有修梵寺嵩明寺在西墁牆峻宇比屋連甍寺北有永和里漢太師董卓之宅也里南北皆有池卓之所造今猶有水冬夏不竭里中太傅錄尚書長孫稚宅尚書右僕射郭祚宅吏部尚書邢鸞宅廷尉卿元洪超宅衛尉卿許伯桃宅涼州刺史尉成興宅凡六宅皆高門華屋齋館敞麗楸槐蔭途桐楊夾植當世名爲貴里

開陽門內御道東有景林寺寺西有園多饒奇果春鳥秋蟬鳴聲相續

建春門內御道南有句盾署典農署藉田署藉田南有司

農寺御道北有空地擬作東宮晉中朝時太倉處也太倉南有翟泉周廻三里卽春秋所謂王子虎晉狐偃盟於翟泉也水猶澄清洞底明靜鱗甲潛泳辨其魚鱉高祖於泉北置河南尹晉中朝時步廣里也泉西有華林園

漢迄後魏都城東宅里

伽藍記建春門外有陽渠穀水周

廻繞城至門外東入渠渠南有龍華寺寺南有租場爲中朝時常滿倉高祖令爲租場天下貢賦所聚畜也陽渠北有建陽里里有土臺高三丈上作二精舍趙逸云此臺是中朝旗亭也建陽里卽中朝時白社地董威輦所居處里內有瓔珞慈善暉和通覺暉元宗聖魏昌熙平崇真因果

等十寺里內士庶二千餘戶信崇三寶衆僧利養百姓所  
供建春門外有石橋石檻四柱在道南銘云漢陽嘉四年  
將作大匠馬憲造雨頽如沒道北二柱至今猶存劉澄之  
山川古今記載延之西征記並云晉太康元年造失之遠  
矣東一里餘至東石橋乃晉太康元年造澄之等見此橋  
銘因以建春門外橋爲太康所造也東石橋南北行橋南  
卽中朝牛馬市刑稽康之所橋北大道西有建陽里大道  
東有綏民里里內有河間劉宣明宅宣明少有名譽通經  
史綏民里內有洛陽縣臨渠水縣門外有洛陽令楊機清  
德碑綏民里東崇義里里內有京兆人杜子休宅地形顯

敞門臨御道崇義里東有七里橋以石爲之中朝杜預之  
荊州出頓之所也七里橋東一里郭門開三道號爲三門  
離別者多云相送三門京師士子送去迎歸常在此處

按古洛陽城東地今有入偃師者茲記洛陽宅里並及  
城東以環城四面不容割裂故連而及之記謂洛陽治  
在綏民里以洛陽令楊機清德碑爲據在建春門外東  
里餘水經注辨翟泉爲洛陽縣之南池縣謂縣治乃在  
建春門內酈道元楊衒之皆後魏人而所記不同如此  
豈縣治前後有遷徙與抑縣治在城門內而縣令清德  
碑在城門外與今偃師西有石橋鎮去古洛陽建春門  
可六七里乃七里橋之石橋非綏民里之石橋也偃志  
誤以七里橋爲綏民里橋遂據楊機清德碑謂古洛陽  
縣治在偃師石橋今于偃師都邑不載古洛陽縣治而  
見其說於此。又按建春門外七里橋方隸偃師至  
綏民里崇義里今尚隸洛陽故各宅事實後併入洛

東陽門外一里御道北所謂東安里也北爲租場里內有

駙馬都尉司馬洗宅濟州刺史介宣宅幽州刺史李真奴  
宅豫州刺史公孫驥宅御道北又有暉文里里內有太保  
崔光宅太傅李延實宅冀州刺史李某宅秘書鄭道昭宅  
並豐堂掘起高門洞開趙逸云暉文里是晉馬道里延實  
宅是蜀主劉禪宅延實宅東有修和宅是吳王孫皓宅李  
某宅是晉司空張華宅東陽門外御道南所謂敬義里也  
里內有典虞簪宇清壯里南有招德里里內有尚書僕射  
游肇宅御史尉李虎宅七兵書崔林宅幽州刺史常景宅  
司農張倫宅

清陽門外御道北有孝敬里爲廣平武穆宅堂宇宏美林

木蕭森清陽門外三里御道南有景寧里太保司徒公楊椿宅在此里遂分宅爲寺因以名之清陽門外三里御道北有孝義里西北角有蘇秦塚里東卽洛陽小市北有車騎將軍張景仁宅

漢迄後魏都城南宅里

〔伽藍記〕宣陽門外一里御道東有

景明寺寺西大統寺所謂利民里南有三公令史高顯略宅人謂此地是蘇秦舊宅景明南一里有秦太上公二寺亦號雙女寺俱鄰洛水寺東有靈臺臺東辟雍宣陽門外四里至洛水上作浮橋所謂永橋也南北兩岸有華表高二十丈上作鳳凰似欲冲天勢永橋以南圓邱以北伊洛

之閒夾御道有四夷館道東有四館一名金陵二名燕然  
三名扶桑四名崦嵫道西有四里一曰歸正二曰歸德三  
曰慕化四曰慕義吳人投國者處金陵館三年後賜宅歸  
正里景明初築僞齊建安蕭寶夤宅於歸正里正光四年  
築西豐侯蕭正德宅於歸正里北夷來附者處燕然館三  
年以後賜宅歸德里正光年那肱來朝處之燕然館賜宅  
歸德里北夷酋長遣子入侍者常秋來春去避中國熱時  
人謂之鴈臣東夷來附者處扶桑館賜宅慕化里西夷來  
附者處之崦嵫館賜宅慕義里自葱嶺已西至於大秦百  
國千城莫不欵附商胡販客日奔塞下所盡天輿之區矣

樂中國土風因而宅者不可勝數是以附化之民萬有餘  
家門巷修整闢填列青槐蔭陌綠柳垂庭天下難得之  
貨咸悉在焉別立市於洛水南號曰四通市民間爲永橋  
市永橋南道東有白象獅子二坊

開陽門外三里御道東有漢國子學堂堂前有三種字石  
經二十五碑表裏刻之寫春秋尚書二部作篆科斗隸三  
種字漢右中郎蔡邕筆之遺跡也猶有十八碑餘皆殘毀  
復有石碑四十八枚亦表裏隸書寫周易尚書公羊禮記  
四部讚學碑一所並在堂前魏文帝作典論六碑至太和  
十七年猶有四高祖題爲勸學里里有大覺三寶寧遠三

寺武定四年大將軍遷石經於鄴周廻有園珍果出焉勸學里東有延賢里有尚書令王肅宅

津陽門外三里御道西爲高陽王雍宅雍爲爾朱榮所害捨宅爲寺高陽宅北有甘和里

漢迄後魏都城西宅里

〔仰藍記〕西明門外一里御道北有

太傅清河王懌宅第宅豐大踰於高陽西北有樓目極京師樓下有儒林館退賓堂形製並如清暑殿土山釣池冠於當世斜峯入牖曲沼環堂樹響飛嚶皆叢花藥

西陽門外一里御道南有城陽王徽宅西陽門外三里御道南有白馬寺西陽門外御道北有寶光寺寺西法雲寺

寺北有侍中尚書臨淮王彧宅西陽門外四里御道南有  
洛陽大市周廻八里市東南有皇女臺漢大將軍梁冀所  
造猶高五尺餘景明比邱道恒立靈仙於其上臺西有河  
陽縣臺中有侍中侯剛宅市西北有土山魚池亦冀之所  
造卽漢書所謂採土築山十里九坂以象二崤者市東有  
通商達貨二里市南有調音樂肆二里市西有退酤治觴  
二里市北有慈孝奉終二里別有準財金肆二里富人在  
焉凡此十里多工商貨殖之民千金比屋層樓對出重門  
啟扇閣道交通迭相臨望準財里內有京兆人韋英宅尚  
書右僕射元稹聞里內頗有怪異遂改準財爲齊諧里自

退酤以西張方溝水東南臨洛水北達邙山其間東西二里南北十五里並名爲壽邱里皇宗所立也民間號爲王子坊帝族王侯外戚公主爭修園宅互相誇競崇門豐室洞戶連房飛館生風重樓起霧有河間王琛宅又有東平

王略宅

閻闔門外御道南有融覺寺寺西一里許有大覺寺爲廣平王環宅捨爲寺寺東永明寺西有宜牛里里內有陳留王景皓宅侍中安定公胡元吉宅閻闔門外七里爲長分橋亦曰張方橋民間語譌爲張夫人橋

漢迄後魏都城北宅里  
〔伽藍記〕大夏門御道西有閻武場

歲終農隙甲士習戰于乘萬騎常在於此中朝時宣武易  
在大夏門東北今爲光風園苜蓿在焉

廣莫門外一里御道所謂永平里也卽漢太上王廣處遷  
京之初創居此里地形高顯下臨城闕城東北有上高里  
殷之頑民所居處也高祖改名聞義里遷京之始朝士佳  
其中迭相譏刺竟皆去之唯冠軍將軍郭文遠遊憇其中  
堂宇園林匹於邦君里有燉煌人宋雲宅與惠生取西域  
經凡得一百七十部

京師東西二十里南北十五里戶十萬六千餘廟社宮室  
府曹以外方三百步爲一里里開四門置里正二人吏四

人門士八人合有二百二十里

隋都城內外宅里街坊  
大業雜記東都大城西拒王城東越瀍澗南跨洛川北踰谷水宮城東西五里二百步南北七里城南東西各兩重北三重

南臨洛水開大道對端門街一名天津街濶一百步道傍植櫻桃石榴兩行自端門至建國門南北九里四望成行人由其下中爲御道通泉流渠映帶其間端門卽宮南正門大街直南二十里正當龍門

出端門百步有黃道渠上有黃道橋三道過渠二百步至洛水有天津浮橋過洛一百步又疏洛水爲重津渠有浮

橋時開闔以通樓船入苑重津南百餘步有大隄南有民  
坊各周四里開四門臨大街門並爲重樓飾以丹粉洛南  
有九十六坊洛北有三十坊大街小陌縱橫相對

自重津南行盡各坊有建國門卽羅城南正門也門南二  
里有甘泉渠疏洛入伊渠上有通仙橋五道時人亦謂之  
五橋橋南北有華表長四丈各高百餘尺建國門西二里  
有白虎門西二里至苑城傍城行三里有天經宮南二里  
有仙都宮並置先帝廟堂建國門東五里有長夏門南二  
里至丹水渠南五里至伊水東北流十餘里入洛

端門西一里有右掖門門南過黃道渠橋南道西有右侯

衛府出右掖門門傍城西二里有龍天道場南臨石瀉口卽煬帝門師濟闔黎所居石瀉東西二百餘步濶五十餘步深八尺並用青大石長七八尺厚一尺自上至下積三重並用大鐵爲細腰互相釣牽亦非常牢固正當瀉口三十步初造瀉之時鑿地得大窖容千斛許於是填塞瀉成不過一年卽破碎上令濟闔黎咒之後更修補得立二年闔黎亡還復毀破前後計用四十萬工以瀉三城池水下黃道渠入洛

端門東有左掖門南道左有左侯衛府左掖門東二里有承福門卽東城南門南洛水有翊津橋通翻經道場新翻

經本從外國來用貝多樹葉形似枇杷葉而厚大橫作行書約經多少綴其一邊今呼爲梵夾道場北府道術坊並是梵門有道術人居之向有百餘家東城東有宣仁門臨大道大小與天津街相似東行盡六坊有上春門外夾道南北有東西道諸郡邸百餘所每年朝集使停止之處并新戶坊東至雙槐樹三里

宮城正門曰則天門南去端門五百步則天門東行二百步有興教門門一里有重光門卽東光正門門東二百步有泰和門並重觀門內卽左右藏左藏有庫門六重重二十五間間一十七架總一百五十間右藏屋兩重總四十

卷之二十四  
間屋大小如左藏

出則天門南橫街直東七百步有東太陽門東卽東城門  
東街北行三里有含嘉門門北卽含嘉城城北德猷門出  
含嘉西有圓壁門西有圓壁城城正南有曜儀門南卽曜  
儀城城南元武門門內卽宮

出則天門南橫街直西七百步有西太陽門出門道西南  
行第一院齊王宅第二院燕王宅第三院陳王宅第四院  
代王宅第五院越王宅宅西拒周王古城城西卽入苑  
則天門南八十步過橫街道西有西朝堂西連內史省省  
西連謁者臺臺連右翊衛府府西抵右掖門街街西有晉

庫庫西卽西馬坊坊西抵西城西朝堂第二街北壁第卽右驍衛府府西連右禦衛府府西抵右掖門街街西有子羅倉倉有鹽二十萬石子羅倉西有粳米六十餘窖窖別受八千石窖西至西城西朝堂南第三街第一御史臺臺西連秘書省省西連尚食庫庫西連右監門府府西連長秋監監西抵右掖門街街西卽掌醢署署西連良醞署署西至粳米窖坊

則天門南過橫街道東有東朝堂東連門下省省東殿內省省東連左掖衛府府東卽抵左掖門街街東卽西錢坊坊東連東錢坊東朝堂南第二街第一左驍衛府府東連

備身府府東左武衛府府東連左屯衛府府東連左禦衛  
府府東抵左掖門街街東卽少府監監東卽城東朝堂南  
第三街第一司隸臺臺東連光祿寺寺東連左監門府府  
東連大府寺寺東抵左掖門街街東卽少府監連南監監  
東至城

出東大陽門街北道東第一街有鴻臚寺寺東有司農寺  
寺東連太常寺寺東抵城第二街卽宣仁門大道大道北  
卽尚書省第三街將作監監東連太僕寺寺東至城第四  
街有衛尉寺寺東連都水監監東宗正寺寺東連大理寺  
寺東抵城

則天門東二百步有興教門門北三十步有會昌門門北  
二百步有章善門入內尚食進食尚藥進藥內尚進物皆  
由此門會昌門內道左有內殿內省少府內監內尚光祿  
內厨道右門下內省左六衛內府左監門內府入章善門  
橫街東百二十步有重潤門東有東宮

則天門西二百步有光政門門北三十步有景運門門北  
二百步有明福門入內宮命婦入朝學士進書皆由此門  
入景運門入道左有內史內省秘書內省學士館右監門  
內府右六衛內府鷹坊內甲庫道右命婦朝堂惠日法雲  
二道場通真玉清二元壇接西馬坊

河南郡在宣範里西北去宮城七里河南縣在政化里去宮城八里在天津街西洛陽縣在德茂里宣仁門道北西去宮城六里

按漢以後都城宅里依御藍記分段總載隋唐後都城宅里依大業雜記分段總載但明位置不詳事實其有事實可記者另標各宅里名參以他書所見併詳於後餘無事實可記者見總載中後不更及

河南府志卷之六十五

古蹟志十一

宅里二

周蘇秦宅 伽藍記利民里有三公令史高顯略宅每於夜見赤光行於堂前如此者非一向光明所掘地丈餘得黃金千斤銘云蘇秦家金得者爲吾造功德顯略遂造招福寺世人謂此地是蘇秦舊宅按蘇秦時未有佛法功德者不必是寺應是碑銘之類頌其聲跡也

按李濂通志以宅在仁和里舊洛志以爲在太平莊嘗有人得古碑所載皆蘇家事云

漢鮑永宅

鮑永傳永至懷說更始河內太守開城而降帝

大喜賜永洛陽商里宅固辭不受

按漢書注以商里卽上商里在洛陽東北殷頑民所居伽藍記以上商爲上高

漢劉昆宅

儒林傳

昆以宏農太守入授皇太子及諸王小

侯五十餘人建武三十年召老乞骸骨詔賜洛陽第舍召

千石祿終其身

漢竇氏邸第

竇融傳

竇氏一公兩侯三公主四二千石皆

相與並時自祖及孫官府邸第相望京邑奴婢目千數於  
親戚功臣中莫與爲比

漢梁冀宅

梁冀傳

冀大起第舍妻壽亦對街爲宅殫極土

木互相誇競堂寢皆有陰陽奧室連房洞戶柱壁雕鏤加

呂銅漆窓牖皆有綺疎青瑣圖呂雲氣仙靈臺閣周通更  
相臨望飛梁石磴陵跨水道金玉珠璣異方珍怪充積臧  
室

漢李膺宅 名勝志宅在延年里元禮風格秀整高自標持  
後進有升其堂皆以爲登龍門

漢董卓宅 伽藍記青陽門內永和里有董卓宅掘此地者  
輒得金玉寶玩之物邢鸞家常掘丹砂及錢十萬銘云董  
太師之物後卓夜中隨鸞索此物鸞不與之經年鸞遂卒  
矣

按邢鸞魏書作邢巒本傳云巒自宿豫大捷及平懸瓠  
志行修正不復以財賄爲懷戎資軍實絲毫無犯遷殿

中尚書加撫軍將軍延昌三年暴疾卒以巒之清正而暴卒是鬼物索財之所由附會也

魏曹爽宅 水經注永寧寺地是曹爽故宅經始之日於寺院西南隅得爽窟室下入地可丈許地壁悉繡方石砌之石作細密都無所毀其石悉入法用自非曹爽庸匠亦難復制此桓氏有言曹子丹生此豚犢信矣

晉石崇宅 伽藍記東陽門內有晉侍中石崇家池池南有綠珠樓經過者想見綠珠之容

按綠珠樓據通志在金谷園互詳園圃門

晉賈充宅 水經注宣武場西故賈充宅地

晉潘岳宅 李通志在府城南七里岳中牟人奉母卜居洛

水名曰西宅內有園池竹木嘗作閔居賦

晉二陸瓦屋

世說蔡司徒在洛見陸機兄弟住參佐解中

三間瓦屋士龍住東頭士衡住西頭

晉西園第

陸雲傳雲拜吳王晏郎中令晏於西園大營第

室雲上書曰世祖武皇帝屢發明詔厚戒豐奢清河王昔  
起墓宅時手詔追述先帝節儉之教懇切之旨形于四海  
清河王毀壞成宅以奉詔命令與國家暢崇大化追闡前  
蹤者實在殿下先敦素樸然後上厭帝心下允時望

晉裴楷宅

裴楷別傳

楷營新宅基宇甚麗當移住與其從

兄衍共游行牀帳儼然櫺軒疎朗兄心願之而口不言楷

心知其意便使兄住

晉荀勗宅 伽藍記後魏段暉宅地下常聞鐘聲時見五色

光明照於堂宇暉甚異之遂掘光得金像一軀有二菩薩

上銘云晉荀勗造暉遂捨宅爲寺時人咸云荀勗舊宅

晉白社 水經注馬市北白社故里昔孫子荆會董威輦於

白社以同載爲榮故有威輦圖 晉書董京字威輦初與

隴西計吏俱至洛陽被髮行吟常宿白社中時乞於市得

殘碎繪絮結以自覆孫楚時爲著作郎數就社中與語勸

之仕京以詩答之遂遁去

晉步廣里 水經注晉永嘉元年洛陽東北步廣里地陷有

二鵝出蒼色者飛翔冲天白色者止焉

玉海洛陽記百

郡邸在洛城中東城下步廣里所以通奏報待朝宿

晉永安里

晉書

劉宏傳少家洛陽與武帝同居永安里又

同年共研席

後魏高陽王雍宅

伽藍記

津陽門外有高陽王雍宅正光

中雍爲丞相給羽葆鼓吹虎賁班劍百人貴極人臣富兼

山海居止第宅匹於帝宮白殿丹楹窈窕連亘飛簷峻宇

轡輶周通僮僕六千妓女五百隨珠照日羅衣從風自漢

晉以來諸王豪侈未有也一食必以數萬錢爲限陳留侯

李崇謂人曰高陽一食敵我千日崇亦富而性儉恠食止

卷之五  
圭雍崇客李元祐語人曰李令公一食十八種人問其故  
元祐曰二圭一十八聞者大笑雍有美人徐月華嫁將軍  
原士康宅近青陽門善箜篌聽者成市徐語士康云王有  
二姬一修容能爲綠水歌一艷姿善么鳳舞

後魏城陽王徽宅

伽藍記

西陽門外有城陽王徽宅莊帝

謀殺爾朱榮徽計以生太子爲辭榮入朝因斃之及爾朱  
兆擒莊帝徽投前洛陽令寇祖仁以有舊恩往投之齋金  
一百斤馬五十匹祖仁利其財斬送兆兆忽夢徽云我有  
金二百斤馬一百匹在祖仁家卿可取之兆覺思城陽位  
望隆重未聞清貧常入其家採跡無金此夢或真曉掩祖

仁徵金馬祖仁云實得金一百斤馬五十疋兆依夢徵之祖仁諸房素有金三十斤馬三十疋盡送兆猶不滿數兆乃發怒捉祖仁懸首高樹大石墜足鞭捶之以及於死

後魏臨淮王或宅

伽藍記

西陽門外有臨淮王或宅或性

愛山林又重賓客至於春風扇柳花樹如錦晨食南館夜遊後園僚友成羣俊民滿席絲桐發響羽觴流行詩賦並陳清言乍起莫不領其元奧忘其福恠荊州秀才張裴裳有句云異林花共色別樹鳥同聲或以蛟龍錦賜之亦有得紺紝紺綾者唯河東裴子明詩不工罰酒一石八斗而醉人譬山濤

醉人譬山濤

後魏河間王琛宅

伽藍記壽邱里有河間王琛宅最爲豪

侈與高陽爭行造文栢堂形如徽音殿置玉井金罐以金  
五色續爲繩妓女三百人盡國色有婢朝雲善吹箎能爲  
團扇歌鼙上聲琛爲秦州刺史諸羌外叛琛令朝雲假爲  
貧嫗吹箎而乞諸羌聞之皆流涕相率歸降秦民語曰快  
馬健兒不如老嫗吹箎又得波斯國千里馬號追風赤兔  
七百里馬十餘疋皆有名字銀爲槽金爲鑣環常語人云  
石崇乃是庶姓猶能雉頭狐掖畫茆雕薪况我大魏天王  
不爲華侈

後魏東平王略宅

伽藍記壽邱里有東平王略宅元

除宣城太守爲政清肅有治聲孝昌初明帝宥吳人江草  
請略歸國江草者蕭衍之大將也蕭衍謂曰朕寧失江草  
不得無王略輶曰臣遭家禍難白骨未收乞還本朝收斂  
存沒因卽悲泣衍哀而遣之

後魏邢轡宅

魏書邢轡傳

高祖因行藥至司空府南見轡

宅遣使謂轡曰朝行藥至此見卿宅乃住東望德館情有  
依然轡對曰陛下移構中京方建無窮之業臣意在與魏  
昇降寧容不務永年之宅高祖謂司空穆亮僕射李冲曰  
轡之此言其意不小

後魏李延實宅

伽藍記

暉文里有太傅李延實宅延實者

莊帝舅也永安中除青州刺史帝謂曰懷輒之俗世號難治舅宜副朝廷所委時黃門侍郎楊寬在側不曉懷輒之義私問舍人溫子昇曰青州之俗太守初入境皆懷輒叩首以美其意及其代下還家以輒擊之是以京師語人曰獄中無繫囚舍內無青州

後魏張倫宅

伽藍記

招德里有司農張倫宅倫最爲豪侈

齋宇光麗服玩精奇車馬出入逾於邦君園林山池之美諸王莫及倫造景陽山有若自然其中重巖複嶺欵峯相屬深谿洞壑遙連接高林巨樹日月蔽虧懸葛垂蘿風

煙出入崎嶇石路似壅而通崢嶸澗道盤紆復直是以山  
情野興之士遊以忘歸天水人姜質志性踈誕麻衣葛巾  
有逸民之操見偏愛之如不能已遂造亭山賦傳於世

按亭山賦造語清新已開唐人賦體雖字多闕畧尚可  
披尋賦曰今千童者昔先民之重由樸由純然純樸之  
體與造化而津梁濠上之客柱下之史悟無爲以明心  
託自然以圖治輒以山水爲富不以章甫爲貴任性浮  
沈若淡兮無味今司農張良實踵其人巨量煥於物表  
天矯洞達其眞青松未勝其潔白玉不比其稱心托空  
而棲有情入古以如心旣不專流宕又不偏華尚卜居  
動靜之間不以山水爲忘庭起半邱半壑聽以目達心  
想進不爲身榮退不爲隱放爾乃決石通泉拔嶺簷前  
高與危雲等並危與典棟相連下天津之高霧納滄海  
之遠煙纖列之狀如一古崩剝之勢似千年若乃絕頂  
懸波蹭蹬蹉跎泉水未徐如浪峭山石不高復危多五  
尋百援十步千過則知巫山弗及未審蓬萊如何其中  
煙花霧草或傾或頽霜幹風枝半聳半垂王蘚金莖散

滿堦墀然綺目之色列鼻之馨旣共綠春等茂復與白  
雪齊清或言神明之骨陰陽之精天地未覺生此人鬼  
焉職其中羽徒分泊色雜蒼黃綠頭紫頰好翠連芳白  
鶴生于異縣丹足出于他鄉皆遠來以臻此藉水木以  
翔翔不意春於沙漠遂忘秋於高陽非斯人之感至伺  
候鳥之迷方豈不俗之所務入有神怪之異趣能造者  
其必詩敢往者無不賦或就堯封之地或入多雲之處  
口嶺與梅岑隨春之所口達爲神仙所賞近爲朝士所  
知求解脫于服佩務參次于山陲歌方丈不足以妙詠  
此處口多奇嗣宗聞之動魄叔夜聽此驚魂恨不能讚  
地出一醉此山門別有王孫公子遙遁容儀思山念水  
命駕相隨峰岑愛曲值石陵欹庭爲仁智之由故能種  
此石山森列兮草木長有兮風煙孤松旣龍却老半石  
亦可留年若不坐卧兮於其側春夏兮其遊陟白骨兮  
徒自朽方寸何所憶

### 後魏楊椿宅

伽藍記景寧里有太保司徒公楊椿宅椿弟

慎冀州刺史慎弟津司空四世同居一門三從朝貴義居

未之有也。善秦中爲爾朱世隆所誅後捨宅爲建中寺

後魏張景仁宅

伽藍記

孝義里有車騎將軍張景仁宅。景

仁會稽山陰人也。正光年初從蕭保夤歸化拜羽林監賜

宅城南歸正里民間號爲吳人坊南來投化者多居其內

後魏王肅宅

伽藍記

延賢里有尚書令王肅宅。肅博識舊

事高祖甚重之常呼王生延賢之名。肅立之肅自江南入

中國不食羊肉及酪漿等常飯鯽魚羹渴飲茗一飲一斗

號爲漏卮。高祖謂曰：「羊肉何如魚羹？」酪漿何如茗飲？」對曰

羊比齊魯大邦魚比邾莒小國唯茗不中與酪作奴因此

號茗飲爲酪奴

後魏景皓宅

伽藍記

宜牛里有陳留王景皓宅景皓尤善

元言道家之業遂捨半宅安置僧徒有孟仲暉者來與沙門論議號元宗先生造人中俠紵像一軀置皓前廳須臾彌寶座永安中像每夜行遶座腳跡隱地成文後忽自去莫知所之

後魏郭文遠宅

伽藍記

聞義里有冠軍將軍郭文遠宅堂

宇園林匹於邦君時隴西李元謙能雙聲語常經文遠宅前過見其闕閣華美乃曰是誰第宅值婢春風出曰郭冠軍家元謙曰此婢雙聲春風曰儻奴慢罵元謙服婢之能於是京邑翕然傳之

後魏劉宣明宅 伽藍記 綏民里內有河間劉宣明宅神龜  
年中以直諫忤旨斬於市訖目不瞑尸行百步時人謂以  
枉死宣明少有名譽精通經史危行及於誅也

後魏杜子休宅 伽藍記 有隱士趙逸者晉武時人至京師  
見子休宅嘆息曰此宅中朝時太康寺也王濬平吳後始  
立有三層浮圖用甎爲之指子休園中曰此是故處子休  
掘而驗之果得甎數十萬兼有石銘記年月爲晉王濬造  
乃服逸言好事者遂尋問晉朝京民何如今日逸曰晉時  
民少於今日王侯第與今日相徂又云自永嘉以來二百  
餘年建國稱王者十六君皆目見其事國滅之後觀其史

書皆非實錄莫不推過於人引善自向人皆貴遠賤近以爲信然當今之人亦生愚死智惑已甚矣問其故逸曰生時庸人及死也碑文墓誌必窮天地之大德盡生民之能事爲君共堯舜連衡爲臣與伊臯等跡牧民之臣浮虎慕其清塵執法之吏埋輪謝其梗直當時構文之士慚逸此言汝南王問何所服餌以致長年逸云吾不聞養生自然長壽郭璞嘗爲吾筮云壽五百歲今始餘半後遁去莫知所在

後魏韋英宅 伽藍記準財里內有京兆人韋英宅英卒妻梁氏更納向子集爲夫仍居英宅英忽來歸乘馬將數人

至庭前呼曰阿梁卿忘我也子集驚張弓射之應箭而倒  
變爲桃人馬爲茆馬從者爲蒲人

後魏中甘里

御藍記

城南有中甘里里內潁川荀子文幼

而聰辨潘崇和請服氏春秋於城東昭義里子文就和受  
道趙郡予李曰荀生何爲佳城南以南有四夷里譏之對  
曰國陽勝地卿何怪也若言川潤伊洛崢嶸語其舊事靈  
臺石經若論人物有我無卿予無以對崇和曰汝潁之士  
利如錐燕趙之士鈍如錘

後魏通商達貨二里

御藍記

里內之人盡皆工巧屠販爲

生資財巨萬有劉寶者最爲富室州郡都會之處皆立一

宅各養馬一匹海內之貨咸萃其庭產匹銅山家藏金穴  
宅宇踰制樓觀出雲車馬服飾擬于王者

後魏調音樂肆二里

伽藍記里內之人絲竹謳歌天下妙

伎出焉有用僧超者善吹笛能爲壯士歌項羽吟征西將  
軍崔延伯甚愛之正光末万俟醜奴寇涇岐延伯出師於  
洛陽城西張方橋卽漢之夕陽亭也時公卿祖道車騎成  
列延伯危冠長劍耀武於前僧超吹壯士笛歌曲於後聞  
之者懦夫成勇効客思奮至軍中常令僧超爲壯士聲甲  
胄之士踴躍延伯單馬入陣傍若無人勇冠三軍威振戎  
畧二年之間獻捷相繼醜奴慕善射者中僧超死延伯悲

惜哀動左右後亦爲流矢所中五萬之師一時潰散

後魏退酤治觴二里

〔伽藍記〕

里內之人多醞酒爲業河東

人劉白墮善釀酒炎暑赫羲日覩貯酒曝於日中經旬不動飲之經月不醒朝貴出郡登藩餉饋千里以其遠至號曰鶴觴亦名騎驢酒青州刺史毛鴻賓齋酒之番路逢劫盜飲之卽醉皆被擒因爲擒奸酒游俠語曰不畏張弓拔刀唯畏白墮春醪

後魏慈孝奉終二里

〔伽藍記〕

里內人以賣棺槨爲業貨轎

車爲事有挽歌孫巖娶妻三年不脫衣而卧巖懼之伺其睡陰解其衣有三毛長三尺似野狐尾巖懼而出之妻臨

去將刀截巖髮而走鄰人追之變成一狐追之不得其後  
京邑被截髮者一百三十餘人初變婦人衣服靚粧行於  
道路人見而悅之近者被截髮當時有婦人着綵衣行者  
人皆指爲狐魅

後魏上高里 伽藍記 洛陽城東北有上高里殷之頑民所  
居遷京之始朝士住其中迭相譏刺竟皆去之唯有造瓦  
者止其內京師瓦器出焉世人歌曰洛城東北上高里殷  
之頑民昔所止今日百姓造瓦子人皆棄去住者耻

隋齊王暕宅 隋書齊王暕傳 平公主嘗奏帝言柳氏女  
美者帝未有所答久之主復以柳氏進暕暕納之帝不悅

暕於東都營第大門無故而崩聽事杖中折識者以爲不祥

唐五王子宅

唐書讓皇帝憲傳初睿宗五子列第東都積

善坊號五王子宅及賜第上都隆慶坊亦號五王子宅

按洛陽舊志載唐高祖舊宅有枯柿復生攷高祖龍潛  
舊邸在長安卽興慶宮洛志牽入者蓋因五王子宅而  
誤也五王子宅先在東都又在長安隆慶坊據唐書先  
天後盡以隆慶舊邸爲興慶宮洛志見隆慶有五王宅  
又有高祖舊邸因併牽入洛陽不知隆慶坊之五  
王宅實非洛陽之五王宅洛固無高祖舊宅也

唐魏王泰宅

唐書公主列傳東都魏王泰故第東西盡一

坊瀦沼三百畝

唐長寧公主宅

公主列傳長寧公主下嫁楊慎交造第東

都第成府財幾竭東都廢永昌縣主丐其治爲府以地瀕洛築鄙之崇臺輩觀相連屬無慮費二十萬又丐得魏王泰故第亭閣華詭埒西京

唐甄權宅  
玉海太宗貞觀十一年幸洛陽高年甄權宅權年一百三歲拜朝散大夫賜几杖

唐宗楚客宅  
朝野僉載宗楚客造一宅新成皆是文柏爲梁沉香和紅粉以泥塗壁開門則香氣蓬勃磨文石爲階砌及地著吉莫靴者行則仰仆楚客被逮昌王推得贓萬餘兄弟配流太平公主就其宅看歎曰觀其行坐處吾輩虛生浪死

唐狄仁傑宅 狄仁傑傳后幸三陽宮王公皆從獨賜仁傑

第一區眷禮卓異時無輩者

唐張說宅

淵鑑類函

浮圖泓與張說市宅戒無穿西北隅

他日怪氣索然視西北隅果有三坎皆深丈餘驚曰公富貴一世而已諸子將不終說將平之泓曰客土無氣與地脉不連譬身有瘡痏補以他肉無益也後子均垍爲安祿山委任克復後垍遠流均賜死

唐宋璟宅

宋璟傳璟致仕仍賜全祿退居洛乘輿東幸璟

謁道左詔榮王勞問別遣使賜藥餌

唐張嘉貞宅

張嘉貞傳洛陽王簿王鈞者爲嘉貞繕第會

以贓聞有詔杖之朝堂嘉貞畏譏染促有司速斃以滅言

唐張宏靖宅 〔張宏靖傳〕 宏靖家聚書畫侔秘府第在東都

思順里盛麗甲當時歷五世無所增葺時號三相張家云

〔按三相謂嘉貞延賞宏靖也史稱張氏三世宰相爲開元賢輔佐然器有所窮嘉貞窮於俗延賞窮於忮宏靖

窮於權惜哉

唐裴寬宅 〔裴寬傳〕 寬兄弟八人皆擢明經任臺省州刺史雅性友愛於東都治第八院相對甥姪亦有名稱常擊鼓會飯

唐崔日用宅 〔洛舊志〕 在積善坊日用則天時爲洛陽令元宗徵時嘗至其宅日用爲設饌未熟元宗因寢庭前藤花

初開柙忽見一巨黃蛇食藤花驚不敢近逡巡不見元宗覺曰大奇我饑甚夢中食藤花滋味分明記得已得餘飽爲啟聖之驗

唐張易之宅

朝野僉載易之初造大堂夜有鬼書其壁曰能得幾時削去復書經半載籍沒入官

唐楊憑宅

見後履道里

唐喬處士宅

平泉記在洛陽城南三十里後李德裕居之

唐牛僧孺宅

牛僧孺僅開成初表解劇鎮以檢校司空爲

東都留守僧孺治第洛之歸仁里多致嘉石美木與賓客

相娛樂

白居易太湖石記丞相竒章公嗜石于此物獨

不謙讓東第南墅列而置之以甲乙丙丁品之各刻於石  
陰曰牛氏石甲之上丙之中乙之下

按舊唐書白居易傳杭州得天竺石一華亭鶴二蘇州得太湖石五折腰菱俱置于里第池上又白居易寄牛相公詩云華亭鶴不去天竺石相隨二人蓋石友也

唐盧仝宅

李通志在府城內全號玉川子韓愈詩玉川先

生洛城裏破屋數間而已矣

唐履道里

舊唐書白居易傳居易罷杭州歸洛陽於履道

里得散騎常侍楊憑宅竹木池館有林泉之致因爲池上篇曰都城風土水木之勝在東南偏東南之勝在履道里里之勝在西北隅西開北垣第一第卽白氏叟樂天退老

之地

唐集賢里 唐書裴度傳時閻暨擅威縉紳道喪度不復有經濟志乃治第東都集賢里

唐樂和里

李景讓傳景讓宅東都樂和里世稱清德者號

樂和李公云

唐尊賢里

羽鼓錄宋開府璟雖耿介不羣亦深好色樂尤

善羯鼓東都留守鄭叔則祖母卽開府之女今尊賢里鄭氏第有小樓卽宋夫人習鼓之所也

唐金谷里

沈亞之文貞元中洛陽金谷里有女子葉學歌

於柳恭之下

後唐羅紹威宅

五代史 羅紹威前唐時常建第洛陽福善

里莊宗同光中始賜明宗梁租庸使趙巖宅雖華以趨內  
遠乃召紹威子周敬易其第後明宗卽位一日夢中見一  
人儀形瓊秀若素識者上夢中曰此得非前宅主羅氏乎  
乃寤訪其子孫左右對曰周敬現列明宗召至類符夢中  
所見上謂侍臣曰朕不欲使大勲之後久無土地因授左  
馮翊非承家爲善何以致此

五代敦化里

張策傳 少聰悟好學通章句父同居洛陽敦

化里

五代勲德里

宏簡錄 李穀祖父皆居洛經黃巢亂徙潁州

既貴訪得舊址求歸周祖詔改所居鄉爲賢相鄉里爲勲德里

宋趙普宅

淵鑑類函

趙普將營西宅遣人於秦隴市良材

以萬數及宅成時爲西京留守已病矣詔詣闕將行乘小車一游第中遂如京師竟至捐館不復再來矣

李通志

普宅在府城內有園詔將作大匠營治制作侔禁省

宋曹彬宅

李通志

在府城內彬真定人爲宋將退居洛陽

所居僅庇風雨處之怡然

宋呂蒙正宅

名勝志

蒙正宅在南州坊卽張觀文宅也真

宗祀汾陰過洛文穆尚能迎謁及回鑾已病篤帝親幸其

濟南府志 卷之二  
宅間鄉諸子孰可用對曰臣諸子皆豚犬有姪夷簡宰相才也相傳宅中御坐處後歸張氏亦不敢燕寢云

宋張齊賢宅

名勝志張齊賢宅卽裴晉公午橋莊也其詩

云午橋今得晉公廬水竹烟花興有餘師亮白頭心已足

四登兩府九尚書師亮齊賢字

宋呂公著宅

名勝志

呂公著宅在白獅子巷張知白宅西

宋范文正公宅

玉海

文正子弟以公有退志乘間請治第

洛陽樹圍圃以爲遊逸之地公曰人苟有道義之樂形骸

可外况居室哉

宋文彥博宅

季通志

在府城內彥博五爲河南尹愛其山

川風俗乃卜居焉

宋富鄭公宅

名勝志

鄭公宅與康節宅相近俱在天津橋

南康節和富公詩道堂閒話儘多時塵外杯觴不浪飛初

上小車人已識醉和風雨夜深歸

宋邵康節宅

淵鑑類函

宋嘉祐七年王宣徽拱辰尹洛就

天官寺西橋五代節度使安審宅故基以郭崇韜廢屋餘  
材爲屋三十間請邵康節遷居之富鄭公又命其客孟約  
爲買對宅一園有水竹花木之勝

名勝志

康節自命其

所居爲安樂窩時遊城中士大夫識其車音爭相迎候或  
留信宿乃去好事者別作屋以候其至

宋司馬光宅 洛舊志在洛水南光居洛十五年成資治通鑑以進初遷入時步行見牆外埋竹簽將以防盜也公曰吾篋中所有幾何盜亦人也何可以此爲防命亟去之

宋郭從義宅

淵鑑類函

郭從義鎮河陽於洛中造大第皆

以香柏爲柱文梓爲梁花石甃地引水築山第成費白金五千錠次年被召還都暮抵其第秉燭周覽時朝會有期侵晨而出行至東都卒家人不能居

按從義宅有竹節洞匠師蔡奇造  
通貫明窈人以爲神亦異事也

以上洛陽

晉阮嗣宗故居

水經注穀水又東南轉屈而東注謂之阮

曲云阮嗣宗之故居

按阮曲在古洛陽城東與鴻池陂相近今其地入偃師通志記阮藉宅於府城東南誤

### 唐宋之間故居

杜甫詩宋公舊池館零落首陽阿

### 唐杜甫土樓故居

杜甫全集有鳩孟倉曹將書問土樓故

居詩又贈韋河南詩尸鄉餘土室誰話祝雞翁自注甫故

### 廬在偃師

按工部曾祖杜依藝爲鞏令後家於鞏故舊唐書以爲在鞏不言偃師而偃師得有舊廬者蓋當陽侯墓在偃師故偃有守墓舊居且古人居不一地卽工部以偃師亦嘗稱杜陵野老浣花翁皆隨地自號焉爾

以偃師

### 漢三田故里

續齊諧記田真兄弟三人共議分財生貲皆

平均惟堂前一株荆樹共議欲破三片明日就截之其樹卽枯死狀如火燃真往見之大驚謂諸弟曰樹本同株聞

分砍所以顚頽是人不如木也因悲不自勝不復解樹樹應聲榮茂兄弟相感合財寶遂爲孝門

按鞏縣西南二十里孝義保據縣志以田氏紫荆得名攷續齊記田眞京兆人不言鞏人且縣志以田眞爲隋人而續齊記乃梁吳均撰又陸機詩三荆歡同株在晉時已用田氏事則鞏志以爲隋人者謬也至其故里或在京兆或在京

不妨兩存之耳

唐杜甫故里

舊唐書杜甫字子美本襄陽人後徙河南鞏

縣

杜詩逸事

甫十餘歲夢人令采文石於康水覺而問

人此水在二十里外乃往求之見峩冠童子告曰汝本文星典吏天使汝下謫爲唐世文章雲誥已降可於豆壠下取甫依其言果得一石有金字文云詩人本在陳芳國九

夜捫之麟篆熟聲振扶桑享天福

按鞏縣東二里瑤灣工部故里也故鞏城有康水去瑤灣二十里與逸事合

宋蔡齊宅

見鞏舊志

按鞏西南永安故縣東有蔡莊鞏志以爲蔡齊故里其宅北直真宗定陵今爲蔡莊廟廟前石坊鐫蔡文忠公故居攷東都事畧及宋史併云齊膠水人不言在鞏且洛陽志亦載之據史其先洛陽人曾祖縕爲膠水令遂家焉齊固非洛人也史又稱齊少孤依外家劉氏豈劉氏在鞏而齊遠來相依歟然不可考矣

金盧亞宅 通志盧亞金正大中狀元

按鞏永安廢縣中有狀元坊爲盧亞立也亞生時永安產靈芝金遂改永安爲芝田亞名蓋今芝田鎮北街據狀元譜無亞名蓋譜惟列宋元正統亞爲金狀元故不見於譜而見於通志但通志不以亞爲鞏人而以爲偃師人何也蓋亞嘗讀書於綠山舊隸永安今入偃師通志乃據偃志登入非其實也至鞏志載亞爲元豐

正狀先且引順帝時產靈芝爲言改芝田在金時元明

金芝田已廢于元季產芝何涉縣志又載吳臨川送盧

廉使還朝序以爲卽盧亞不知盧  
廉使自別一人官翰林非狀元也

以上鞏縣

唐王維宅 王維詩家在孟津口門對孟津河

孟津

宋張思叔宅

李通志繹字思叔壽安人初繹家貧甚年長

未知學傭力于市聞邑官傳呼聲心慕之間人曰何以得  
此人曰此讀書所致爾卽發憤力學往受業伊川先生

按宜陽志思叔讀書處

宜陽

在文筆峯山半今有祠

許由隱窟

魏書地形志陽城郡康城有許由隱窟

高士

傳許由字武仲陽城槐里人隱於箕山

周頴考叔故居 通志在登封縣頴谷今有祠

按頴谷今爲登封翟峪左傳  
所謂頴考叔爲頴谷封人也

周鬼谷宅 名勝志鬼谷宅在登封北五里蘇秦事師習于  
鬼谷卽此 神仙傳至馴楚人隱居韜知常入雲臺山後  
居陽城之鬼谷蘇秦張儀師事之 拾遺記儀秦嘗息大  
樹之下假息而寐有一先生問二子何勤苦也儀秦問子  
何國人曰吾生於歸谷亦云鬼谷鬼者歸也又云歸者谷  
名也卽探胷內得二卷書言輔時之事

按鄭侯外傳有寶庭芝者分司洛邑常敬事葫蘆生一  
日生言君家禍將成若非遇黃中君卽見鬼谷子可無  
患仍具述其行貌衣飾戒以必求後泌入洛乘驃忽驚  
逸入尹所居泌造門庭芝得延接贈遺甚厚後庭芝陷  
降朱泚德宗命誅之泌具以前事聞原之帝曰黃中君  
指朕也未知呼卿鬼谷子爲何泌曰先人墓在河清谷

前恐以此言之據是則孟  
津亦有鬼谷不獨登封也

唐田游巖宅 唐書田游巖傳帝營奉天宮游巖舊宅直宮

左詔不聽毀天子自書榜其門曰隱士田游巖宅

按游巖宅在奉天宮左奉天宮卽高陽觀在太室前登封縣北通志記奉天宮游巖宅而曰在縣南箕山何也蓋游巖有兩宅通志誤合爲一耳兩宅者一在太室前一在箕山上游巖始居太室前奉天宮左後自汝被召歸止許由祠旁自署曰由東鄰高宗幸其第存問其母游巖野服出拜曰臣所謂泉石膏肓烟霞痼疾者許由祠蓋在箕

山上也

唐盧徵君宅 名勝志在登封東二十里唐書徵崇山處士

盧鴻爲諫議大夫李太白贈鴻詩云陶令解彭澤梁鴻出會稽我尋高士傳君與古人齊 蘆鴻宜作盧鴻乙

唐石門幽居

通志在登封縣

穎陽北唐元丹邱別業李白

詩故人棲東山自愛邱壑美青春卧空林白日猶不起松

風清襟袖石潭洗心耳羨君無紛喧高枕碧霞裏

以登封上

秦甘羅故里

通志

甘羅故里在新安縣北二十里今名甘

鄉卽白墻村

新安

戰國藺相如宅

李通志

藺相如宅在澠池縣學宮南今爲

儒學射圃

戰國廉頗宅

李通志

廉頗宅在澠池縣治東

按史記廉藺趙人藺相趙王會秦澠池廉頗送王至境言三十日不還則請立太子以絕秦望曰至境則澠池

在境外非趙地澠池安得有廉藺二人宅且相如猶從趙王至澠池廉頗守國未出李志未免附會

漢周黨隱居

後漢逸民傳周黨太原人建武中徵爲議郎

去職將妻子居鼴池復被徵著短布單衣穀皮絹頭待見  
尚書及引見伏而不謁自陳願守所志帝乃許焉遂隱居

鼴池著書上下篇而終

以上鼴池

漢孔叢子宅

孔氏譜孔叢子名鮒字子魚先師九代孫察

始皇將焚書鮒知之與弟騰及樹藏書於祖堂壁中隱嵩

山之陽

按孔叢子宅在古神陰鄉今海角村  
有孔廟一區卽其故宅也見嵩志

三國胡昭宅

魏志胡昭轉居陸渾山中閭里敬而愛之建

安中百姓惡憚遠役豪狼等起兵陸渾長張固依昭住止

寇到陸渾南長樂亭自相約誓言胡居士賢者也不得犯  
其部落一川賴昭咸無怵惕天下安輯徙宅宜陽 高士  
傳幽州刺史杜恕嘗過昭所居草廬之中言事論理辭意  
謙敬恕甚重焉太尉蔣濟辟不就

唐宋之間宅 宋之間陸渾山莊詩歸來物外情負杖閱巖  
耕流水看花入幽林采藥行野人相問姓山鳥自呼名去  
去獨吾樂無能媿此生

唐元德秀宅 唐書元德秀傳元德秀字紫芝河南人居陸  
渾質厚少緣飾事母孝舉進士不忍去左右

按嵩志紫芝故  
居在今元里村

宋程伊川先生宅  
伊川年譜崇寧二年言者論其著書非  
毀朝政於是有旨追毀出身以來文字其所著書命監司  
覺察先生於是遷居龍門之南止四方學者曰尊所聞行  
所知可矣不必及吾門也

以上嵩縣